

ምግብ፡ ፋይድ መዳሌት ሂደት ሕርየት ገብአ

እት አቅሊም ምግብ፡ እግል ገማል ናይላ “ሰባትን ደማትን” እብ ትብል ስቅራት ለልትዐይድ 35ይ ሂደት ሕርየት ምን ወሬሕ ጃንዋሪ እንዲ አንበተ መዳሊት ፋይድ ከም ገብአ ትሸርሐ።

ሙዲር ዓም ቅስም ዓዳት ወርያይት አሰይድ አሰመሮም ጸጋብርሃን፡ ለበራምጅ ሳምን ሕርየት መዳርሱ፡ ካርኒቫል፡ በራምጅ ሰባት ሸዑቡ ዕፊ ዓዳት፡ ዳሳት ማዕደ ውበዕድ ከም ከምክም አፍሀመ።

ለበራምጅ ዲብ ዮም 5 ማዕ እብ ሳምን ሕርየት ዲብ መዳርሱ ከም አንበተ ለሐበረ አሰይድ አሰመሮም፡ እትሊ አሰክ ዮም 23 ማዕ ለለአተላላቤ በራምጅ፡ ምን ረውዳት አሰክ ካልኣይት ደረጃት ለለአደርሱ 312 መድረሰት ሻርክ ከም ህለዩ ሐበረ።

ካርኒቫል፡ አርት ምን ቅድረት ፍጥር ሸባብ ለለአርኤ ክምቱ እንዲ ሐበረ፡ ዲብ መዳኑት አሰመረ ለህለዩ 13 ምዲርየት ሕበር ከም ሻርክ እቱ አብርሀ።

“ዳሳት ማዕደን ትኣምርተ ውሕደትናቱ” ለበላ አሰይድ አሰመሮም፡ ዮም ዓመት ዲብ ምዲርየት አሰመረ፡ 59 ዲብ ምዲርየት በራኹ፡ ጋሊ ነፍሐ፡ ሰረጅቀ ህዩ 143 ዳሳት ሕርየት እግል ልትዳሌ በራምጅ ከም ህለ አትአመረ።

ዲብ ደንጎብ አሰይድ አሰመሮም፡ 35ይ ሂደት ሕርየት እግል ልግመል ዶሮም ለቀደመው መአሰሳት ወሸዑብ ሐመደ።

ሻምብቆ፡ ሓክም አቅሊም ገሽ-በርክ ልሰርገል ለህለ በራምጅ ምስል ሰነን ሀደግ

ሓክም አቅሊም ገሽ-በርክ ሰፊር ማሕሙድ ዐሊ ሕፋይ ዲብ ምዲርየት ሻምብቆ እብ ዓመት ዲብ እዳረት ደዋይሕ ባድሚ ህዩ እብ ፍንቲት እግል ልሰርገል ኢቱን ለህለ በራምጅ ዐማር ወእዳረት ዲብ ዮም 9 ማዕ ምስል ሰነን ሀደግ።

ሸዑብ መናበረት ሳብተት ለልሓፍ እቱ ወምን ቅሩብ ከደማት እጅትማዕደት ለረክብ እብ አርድየት እግል ትዋሓቱ፡ ልትከደም ከም ዐሊ እንዲ ሸርሐ ሰፊር ማሕሙድ፡ ዲብ እዳረት ደዋይሕ ባድሚ ለገብአ ሕርያን እዳርዩን ወተውዘዕ ከርት ሰነን፡ እት ክምስልሁሙ ዱሉይ ለህለ ከደማት ተዐለም፡ ወዓፍየት ትኣምረተ ናዩ ክምቱ እንዲ ሸርሐ፡ ካፊሎት አርድ ሐርሰ ወሰክን፡ አሰሶት ዐዳገ ወእንባተት ከደማት መዋሰሳት ሐራት ዲብ መጽእ ወክድ ቅሩብ እግል ልግባእ ክምቱ አብርሀ።

ዲብ እዳረት ደዋይሕ ግርሚ እብ መባደረት ሸዑብ መሻረክት አንፋር



ቅዋት ድፋዕ ቅደደት ምውዳቅ ጽሓይ ትትበኔ ለህሌት መድረሰት ዲብ ድዋራት ባድሚ እግል መዓል ሐርሰ ለገብአ ድዋራት ለገንሐ ሰፊር ማሕሙድ፡ አርድ ሐርሱ መትክምካም ቀወሸ፡ ወእንባተት ገዛም እዳረት ሳፊ ምን ዐባዩ በራምጅ ክምቱ እንዲ ሐበረ፡ ምስል ከሰሶም ጅሃት ሕበር እግል ልትከደም ከም ቱ አፍሀመ። መሻርክት እብ ጀሁቶም፡ ዲብ እዳራት ደዋይሕ ባድሚ ልትዳሌ ለህለ አሳሲ ከደማት ወግፍሐት ለህሌት አርድየት

ዐማር፡ መናበረቶም እግል ለአሰት ክም ትሰድዮም እንዲ ሸርሐው፡ ታርፍ ለህለ ከደማት እግል ልትመም እግሎም አትፋቀደው። ዲብ ደንጎብ ሰፊር ማሕሙድ በራምጅ ዐማር ወክደማት እዳረት እምበል መሻረክት ወፈዘዐት ሙጅተማዕ እብ ዓመት መሻረክት መስኢሊን እዳራት ደዋይሕ ህዩ እብ ፍንቲት እግል ልሰርገል ሰነን ኢቱታር፡ ማዕደ ለአሳሲ በራምጅ ዐማር እብ ትውቀላት እግል ልተላላይ አትፋቀደ።

መትከል አቤት፡ መጦር ድሩስ ለልትህዩብ ወራታት እግል ልትከደም እቱ መትፋቀዳ ትቀደመ

ዲብ መትከል አቤት፡ መጦመጦር ድሩስ አካዳምየት ለገብአ ወራታት ዓዳት፡ ርያደት ወዓፍየት፡ ክምስልሁሙ ምህዞ ወሰናዐት፡ ብቅዓም ደረሰ እግል ልፍረው ዶር ምህም ሰነን ቡ፡ እግል ልትከደም ዲብ አትፋቀድ ትቀደመ።

ምዲርላ መድረሰት መአምብታይት ወምግባይት ደረጃት ሸሂድ እብራሂም ዓፊ- እስታዝ መሓመድ እድራሰ እት ቀደመዩ መብርሂ፡ እት ክል-ሐል ለትገብአ ሳምን መዳርሱ፡ ብቅዓ መመትጃጋር ደረሰ እግል ልትፈተሽ፡ ክምስልሁሙ ዓዳት ወሰዋልፍ መጅተውማዕ እግል ልሰበቅ ዶር ክምቡ አፍሀመ።

ዲብ እዳረት ዳሕየት መትከል አቤት ለህሌት መድረሰት መአምብታይት ወምግባይት ደረጃት ሸሂድ እብራሂም ዓፊ፡


ምን ረውደት አሰክ ምግባይት ደረጃት ለደርሶ 48 ምእታይት አንሳት ለብእቶም ዝያድ 1,100 ደረሳይ ቡ።



ከበር እትሸሃድ

ነፈር መአሰሰት ዘርእ ወእንሱሰ ሙናድ ገዲም ርእሶም ሀብቱሚካኤል ወልደሚካኤል ዲብ ዮም 9 ማዕ ዲብ 70 ሰነን ዕምሩ እብ ሕማም አሰተሸህደ። እት ወሬሕ ኖሽምበር 1975 ዲብ ቅዋት ሸዑባየት ተሕረር ኤራትርዩ ለአልተሐቀ ሙናድል ርእሶም፡ ዲብ መደት ግድለ ሰላሕ ዲብ ቅስም ሐርሱ፡ ዲሸ ቅታል፡ ቅስም ሕክምን ወቅስም እዕላም፡ ሐቆ ሕርየት ህዩ ዲብ ውዛረት ትጃረት ወሰንዐት፡ ምን ሰነን 2009 አሰክ አምዕል እስትሰሃዱ ህዩ ዲብ መአሰሰት ዘርእ ወእንሱሰ

እንዲ ትየመመ ሸዑቡ ወወጠት እብ መትሰባል ለከድመ ምሕርባይ ቱ። ሙናድ ሸሂድ ርእሶም በዐል ፈራዕ ወአብ ሰለሰ ቱ። ዓደት ቀብሩ ህዩ ዮም 11 ማዕ አድሐ ዲብ ምቅበረት ሹህደ አሰመረ ገብአት። መአሰሰት ዘርእ ወእንሱሰ ኤራትርዩ እብ እስትሸሃድ ሙናድል ገዲም ርእሶም ሀብቱሚካኤል ወልደሚካኤል ሐዘን ዲብ ትሸርሐ፡ እግል ዓይለቱ፡ ናይ ግድለ መልህያሙ ወመሻቂቱ ኤማን ወሰብር ለሀበክም” ትብል።



ፊቃዶ አምዕል ሆንደሰት፣ እት ኩልዮት ሆንደሰት ወቴክኖሎጂ ማይ-ነፍሐ

ኩልዮት ሆንደሰት ወቴክኖሎጂ ማይ-ነፍሐ፡ የም 7 ማዮ “ምህዞ እግል ዓማር ወጠን፡ ሐል መሐግዝ መጅተማዕ እብ ገበይ ሆንደሰት” እብ ትብል ፍላጎት ወልእኩትላ ኩልዮት ለትሸሬሕ ስቅራት አምዕል ሆንደሰት ትዘክረት።



በሌላ ባልሕገ-ግብርል፡፡

ዐሚድላ ኩልዮት ዶክተር አርአየ ዘርአይ እተ አሰመዐዮ ከሊመት፡ ለአምዕል - ፍጥር፡ ብቅዔ ሆንደሰት፡ ክምሰልሁመ ፍገራት ፍጥር ወቴክኖሎጂ ለልትርኤ ዲብ ክምተ ሸርሐ።

ለትሓሬት ስቅራት ህዩ ምን ነዘር ዲብ ፍገራት ለለአመጽእ ወቀይ መሐግዝ እግል ለአርሄ ገብእ ለህለ ጅህድ ክምቱ ሸሬሕ አፍሀመ።

ምን መአሰሳት ተዕሊም ወቁል ወብሐሰ ኤራትርዮ - ፕሮሬሰር ዘመንሬሰ ጽጌ እብ ጀሀቱ፡ ለመጃል ደረሰ ወመደርሲን ቅድራቶም እግል ለአርአ፡ ፈዛዕት መጅተማዕ ዲብ ዶር ወሐዘት ሆንደሰት ወፍጥር እግል ልትውቀል፡ ክምሰልሁመ ሰብ-ሸርከት ዲብ ሐቲ ዐግሎ እግል ልግብእ ሐዘት ክምቡ እንዲ አብርሀ፡ ዶር ሆንደሰት ወቴክኖሎጂ እት ለዐቤ ዲብለ መጽእ ዲብ፡ ናይ ምህነት ወመሰኡልዮት ዶርም እንዲ

ነሰአው እግል ፍላጎት ባርሀት እብ ፈዛዕት እግል ልክደም ትፋት።

መሰኡል ልጅነት መመቅርሐይት ናይላ አምዕል - መሃንድሰ ባህረሰላም ሰእሉ ህዩ፡ 26 ወረቅ ሕፍዝ ወሐል ናይ ሆንደሰት፡ 32 ሸሬሕ እብ ተምሳል፡ ክምሰልሁመ ሐድ 29 አሸቃል ሆንደሰት ለለአርኤ ክም ትቀደመ ሐቆለ ሐበራ፡ ዲብ ባልሕት መሐግዝ ለተአሰሰ ተጃርብ እግል ልጠውሮ፡ ናይ ሕበር ወራታት ብሐሰ እግል ልትናየት። መሀንድሰን፡ ባሕሲን ወመሻቂት እዳራት መጅተማዕ እብ ሕበር እግል ልክደም ለልአቀድርም መጃል እግል ልጥፋሕ፡ ክምሰልሁመ

ምን ሰብ ሸርከት ጀሃት አራእ እግል ልትጀማዕ ሴድያይ ክምቱ አብርሀ። ወራቅ ብሐሰ ምንል ቀደመው ዲብለ ሀበወ ረአይ፡ ለበርናምጅ መጃል ህድግ ወመትባዳል ተጃርብ ክም ከልቅ እንዲ ሐበራ፡ ሐዘቱ እንዲ ትረኡት እብ ለትውቀለ እግል ልትክደም ዲብ አትፋቀደው።

ኩልዮት ሆንደሰት ወቴክኖሎጂ ማይ-ነፍሐ፡ ናይ 5 ሰነት ናይ ዲግራ፡ ክምሰልሁመ ናይ 3 ሰነት ናይ ዲፕሎም በራምጅ አካዳሚ ለተህይብ ዲብ ትገብእ ፡ እትለ መደት እለ ሐድ 39 ምእታይት አንሳት ለብእቶም 1,694 ደረሰ ብእተ።

ወራታት ጃልያት ኤርትራዩን ዲብ ድወል ካርጅ

ዲብ ሰዌሰራ፡ አውሰትራልዮ፡ ጀርመን ወሰውድያ ለህለዮ ጃልያት ኤርትራዩን፡ ወቀሎት ፈዛዕት አንፋር፡ አደቃብ መትነዛም፡ ክምሰልሁመ አተረዶት በራምጅ ወጠን ለረከዘ ለትፈናተ ወራታት ወደዮ።

እብ አሳሰ ምን ክል-እንክር ለበጽሐተነ ሐብሬ፡ መሕበር ኤራትርዩን ሰብ-ምህነት ዲብ ሰዌሰራ፡ እት የም 3 ማዮ ዲብ መዲነት ዙሪክ እጅትማዕ መትአሳሰ ወደ።

መትምማይ ቅደይ ሰፋራት ኤራትርዩን ዲብ ሰዌሰራ ወሳብት ልኡክ ዲብ መዝመት ምጅልሰ

ቅራን ወብዕዳት መአሰሳት ካርጅ ዲብ ጅኔሽ አሰይድ ሃብቶም ዘርአይ እትለ አሰመዐዮ ከሊመት፡ መትነዛም ቅድራታት ናይ አትባዘሐት ዶር ምህም ክምቡ እንዲ ሸርሐ፡ እሊ መትነዛም ሰብ-ምህነት ምስለ ተናዚም ብዕድ እብ ገበይ ሳብተት እት ከድም፡ ቅድራታት ኤራትርዩን እግል ልተረድ ወመናፍዕት ወጠን እግል ልሰበቅ ዶር ወቁል ክም ወዲ ዳምን ክምቱ ሸርሐ።

መሰኡል ቅደይ ሸብ ወጃልያት አሰይድ እሰማዲል መሐመድ-ኑር እብ ጀሀቱ፡ ወራታት መትአሳሰ ማሕበር ምን ሕሰቡቱ አሰክ ዲብ

ፍዕል አብጽሐቱ ቀሊል ክም ኢኮን እንዲ ሸርሐ፡ መሕበር ኤርትራዩን ሰብ ምህነት ዲብ ሰዌሰራ እትለ መርሐለት እለ ብጽሐቱ፡ ናይ ሰልፍ ራቴዕ ምስዳር ዲብ እግል ልብጽሐ ለለሐዘ ህደፍ ክምቱ ሐበራ።

ናይ ዶሉ አሚን ዓም ኤራትርዩን ሰብ ምህነት ዲብ ሰዌሰራ ሻብ ኢሲያሰ ሐድጉ ህዩ፡ ለህደፍ - መቅደራት ምህነት ኤራትሪ እንዲ ትነዝመት፡ ዶር ወጠንዮት እግል ልዕቤ፡ እብ ዐቢሁ ህዩ ሸባብ ወዲብ ዲያሰፖራ እንዲ ትወለደው ለዐበው አጀኒት ተርኪዞም ዲብ ወጠናም እግል ሊደው እግል ወጀሆቶም ክምቱ አብርሀ።

ሴድያይ ንዳል ኤራትርዩን እግል ሕርዮት ወናይ ሕሽመት ቁንሰል ኤራትርዩን ዲብ ሰዌሰራ ዶክተር ቶኒ ሎኸር እተ አሰመዐዮ ከሊመት፡ ጀብሀት ሸባብዮት እግል መታክል፡ መቃወማት ወመሻክል እብ መትነዛም ትፋድ ለቀልብ ተንዚም ሰበት ቱ፡ ኤራትርዩን ስነን ሰዌሰራ ክም ክፋል ናይ እለ ወርሰ እለ፡ ምስል ሰፋራቶም እብ ሕበር እንዲ ከድመው እብ መጋዲዕ ልጃእ እንዲ ኢጀግሮ ወጠንያይ ዶርም እግል ለአግዱ መርሐለት ለትጠልቡ ክምቱ አክደ።

መሻርከት እብ ጀሀቶም፡ አቁሞት መሕበር ሰብ-ምህነት ምንመ ደንገራ፡ መቅደራት ምህነቶም ዲብ መናፍዕት ወጠን እግል ለአውቡሉ መጃል ለለአጠፊሕ ሰበት ቱ፡ ዝያደ እግል ልተረድ ትፋነው። እለ ክእነ ዲብ እንቱ፡ እግል

ሸሬሕ ሱሕሬ

“ረሬዕ መኔዕ”

ዲብ እለ ለእግል ዝያድ ዕሰሪ ሰነት ዲብ ኤራትርዩን እምበል ደሊል ሳብት ለትቀረረ መኔዕ እግል ልትረሬዕ ምስዳር እግል ትትነሰእ መትአያሰ ክምሰል ህለ ልትብዮን እቱ ለህለ ወቅት፡ እግል ተእሪክ ወናይላ ልትብህል ለህለ ራቴዕ መርበይ እግል አጸብጦቱ፡ ግሪ እንዲ አቅበልኩ፡ ራቴዕ ጌማም ወድዮት ምህም ቱ።

ዲብ ግርባት ሰነት 2009፡ ዲብ አያም ‘ክሪትሰማሰ’፡ እዳራት አባመ እግል ፈብረከቱ ወለአተግበረቱ፡ ለገብእ እሰባት አው ደሊል ለይዐለ እለ፡ ለገብአት ቃትናይት ዐመልዮት ለኢተብዐት ከይነት፡ መኔዕ እብ ሰማት ምጅልሰ አምን ናይ መነዝመት ምጅልሰ ቅራን ትቅረራ፡ እተ ወክዱ ህዩ ክምሰል ሰቅቅናሁ አወጅኑ።

ምን ክሉ ለለአትፈክር፡ እተ ወክድ ለህይ ወኪል ፈደሬሽን ሩሰዮ ዲብ ንዮርኩ፡ እግል ናይ እዳራት አባመ ዋይዲብ እብ ተማመ ለአይድ ዲብ ህለ፡ ወኪል ቻይነ ህዩ ዲብ ገብአት ከይነት መኔዕ ክርንቱ ሐብዐ።

ሐቆ ናይ 9 ሰነት መደምራይ ደረር ናይላ ከይነት መኔዕ፡ ዲብ ሰነት 2018 “መኔዕ ልትረሬዕ ህለ” ክምሰል ትብህላመ፡ እንዲ ደንገራት ለመጽአት ምስዳር አሆታይት ምንመ ዐለት “ነሐምደኩም” ይእንቤ። አማን ወዐድል ጀላብ እግል ትትአክድ “በዲር እግልሚ መኔዕ” ትሰክልነ ወበሊሱ ጠለብኑ። አሰክ እለ ህዩ በሊሰ ናይላ ትቀረረ እትነ መኔዕ ኢረከብኩ። እግል አ’ሸባብ ለአይድ ለዐለ ወለህለ ምንቱ፤ ናይላ ገብአት ከይነት መኔዕ መሰኡልዮት ለረሬዕ ህዩ ዲብ ቀደም ቃትን ልቅረብ።

ክምሰል አተላላይ ሸንኩይ ሕርያናት፡ እዳራት ባይደን ክምለ አመላ፡ እት ሰነት 2021 ከይነት ኢቃትናይ ናይ በይን መኔዕ ቀረረት። መዳየገት ወድመል ለአትብገሰዮ ከይነት ዐለት። እተ ዶሉ ህዩ ትሰቀቀ ወትጋብሀ።

ዲብ እለ አያም እለ፡ ለእብ አሚርክ ለትቀረረ ኢቃትናይ ናይ በይን መኔዕ ዲብ እለ ቅሩብ ወክድ እግል ልትረሬዕቱ ለልብል ተቃሪር ህለ። እለ ምስዳር እለ፡ እግል ጊጉይ ስዮሳት እግል ዲመ እንዲ ትሰይሐ፡ ዐድል ወቃትን ለለአክድ ወለለአሰብት እግል ልግብእ ሰእዮት እንወዲ።

ወዛረት እዕላም
አሰመረ 6ማዮ 2026

አንፋር መሕበር ጃልያት፡ ተናዚም ጀብሀት ሸባብዮት፡ መሕበር ወጠን አንሳት ወሸባብ ጀብሀት ሸባብዮት እግል ዲሞቅራጥዮት ወዐዳለት ዲብ መዳይን ፕርዘ፡ መልበርን፡ አድላይድ፡ ብሪገቤን ወሲድኒ -አውሰትራልዮ፡ ሰሚናር ሸባብ ወጌማም ሸቅል ገብአ።

መሰኡል ቅደይ ሸባብ ወጃልያት አሰይድ ያሲን ዑመር ህዩ፡ ከደማት ቁንሰልዮት፡ ባልሕት አከይ-መቅሬሕ ወእዳራቱ ለረከዘ መብርሂታት ሀበ። ቁንሰል ዓም ዲብ አውሰትራልዮ ወኒውዚላንድ አሰይድ እንድርያሰ አብርሃም እብ ጀሀቱ፡ ለትህየብ መምርሐታት ሸቅል እብ ተርኪዝ እግል ልግባእ ክም ወጅብ እንዲ ሸርሐ፡ መትነዛምም ወውሕደቶም እንዲ አ’ተረደው፡ ዲብ በራምጅ ዐማር ዶርም እግል ልወቅሎ ትፋነ።

እብ ጀሀት ብዕደት፡ መሕበር ወጠን አንሳት ፈሬዕ ጀርመን እት የም 25 ወ 26 አፕሪል፡ 22ይ እጅትምዑ ዲብ መዲነት ፍራንክፊርት ሰርገለ።

ዲብ ወካይል 24 አፍርዳት-ንኡሽ ለሻሪከዮ ዲብ ወመትምማይ ቅደይ ሰፋራት ኤራትርዩን ዲብ ጀርመን አሰይድ የውሃንሰ ወልዱ ለሐድረ ዲብ እጅትማዕ፡ ተቃሪር ናይላ እትለ ሐልፈ አሰለሰ-ሰነት ለገብእ ወራታት ልትቀደም ዲብ ህለ፡ ሸባብ አንሳት እግል ልትክምከመ እብ ለትውቀለ እግል ልትክደም

ዲብ መፋህመት ትበጽሐ። መሰኡልት መሕበር ወጠን አንሳት መንጠቀት አርብ አሰይድ ንግስቲ ጸጋይ እብ ጀሀቱ፡ ‘እዳራት ስታቲብ ወቅት’ እብል ልብል አርእሰ እግል መጅተምዕት መሐደራት ሀበት።

ዲብ ደንገቤ፡ እተ መጽእ ሰለሰ-ሰነት ለልአሸቄ መምሬሕ ትዳለ ወመመቅርሐይት ጀሀት ተ’ሐሬት። እለ እብ ሸብህ፡ እግል መሰኡሊን አፍርዳት ንኡሽ ወሐሸምት መሕበር አንሳት ወሸባብ ዲብ ጀደ-ሰውድዮ፡ ምን የም 20 አሰክ የም 30 አፕሪል፡ እብትዳእዮት አፍካር ወሰያሰት። ሐርብ-ነፍሲያት ወመጋብሀት፡ ተእሪክ ሸባብ ኤራትርዩን፡ ዶር መትነዛም፡ ደያነት፡ ዐገል ተንዚም ጀብሀት ሸባብዮት፡ ወጠን ወወጠንዮት፡ ጠባዬዕ ወለት-አመር እብ ቅየም፡ ለከምከመ ናይ እብትዳእዮት ድሩሰ ካድር ተህየብ።

ዲብ ዓደት መትመሞ፡ ቁንሰል ዓም አሰይድ ዑብደልራሕማን ዑብማን ወመሰኡል ቅደይ ሸባብ ወጃልዮት አሰይድ አሕመድ ጃዕፊር፡ ዶር ካድር ዲብ አ’ተረዶት ተናዚም ወጠን ሐቆለ ሸርሐ፡ ለነሰአው ድሩሰ እብ ፈዛዕት እግል ልክደም እብ ትፋነው።

እምበል እለ፡ ምን የም 18 አሰክ የም 25 አፕሪል እት አተረዶት ተናዚም ለረከዘ መሕበር-ግማት ዲብ ጀደ ክምሰል ገብአ፡ ለበጽሐተነ ሐብሬ አፍሀመት።

ኤራትርዩን ጃልያት

ክል አርቡዕ ለትጠ'በዕ ጀሪደት

መዳልያይ፡-
- መሐመድ እድሪስ

ለይአውት ወአርተዖት
* ዘሀሪ ዐሊ
* ፋጥነ አድም

ተለፎን፡ 121797/201820 (258)
ፋክሱ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡163471-07588045

አትአመሮት፡
ተለፎን፡ 125013፡ ዕ.ሰ.ቡ፡ 1284

መረብ-ዲብል ፍጹም ደንብ ለምዕራብ

ሓይላም ቁርክት ዓመድ ደልላባብ፡ እሱ “መረብ ዲብል ናይ ደንብ ኣምዕራብ” እብ ልብል ዕንግል ነፈር ህንደስት ዐስከርየት ለዐለ ምናድል ሰለሙን ንጉሴ ዲብል ቅሰሰ ተጃርብ ንዓል ለልብል ክታብ ኮቲሙ ለኮተብየ ቅሰሰ ኣማን ተ። ከእንዲ ተርጀመን እንቀድመ እኩም። እግል የም 1ይ ክፋል ታብዮ።

19 ኣክቶበር 1990 ላሊ እብ ግዲድ፡ ዝላም መቐየም ጀመም ትብል ትመዬት። መዐስከርነ፡ ዐዲንፋሰ ዲብ ውቅል እካን እሱቲ ለዐለ። ክሉ ለምድር ሸምሸም ውሕጽሕጽ ሰበት ገብኦ ወዲብ ውቅል ኣካን ሰበት ህሉ። ምድር ክምሰል ጸብሐ ዝላም ለትመዬትሙ ኢትመሰል። ጽብሕ ምድር ጸሓይ እብ ምናጋር ሸብብ ትብል እት ህሉት ጊም ደብዘት ይዐለ። ዐስተር ባርህት ወንዲፈት ዐለት። ምሰል ቃእድ ፈሰለት ኣብረሃም (ወዲ-አገዝ) ክሻፈትን ወለንኢሽ ሬድዮ እትሳልን እንዲ ነስካን ዲብል ውቅል ዕንክለት ናይላ ዐድ እንዲ ረትዐ። ዲብ ባካት ዘረበት ክሰሰት ትገላ። ለሕፍን ጸሓይ እሰቡሕ እብ እት ንፋሰሰ ህዩ ክምሰል ልምድት እብ ክሻፈት እግል ድቀራትን እግል ንፈትሽ ወንታይን ኣምበት።

ዐዲንፋሰ ዲብ መሓፈዘት ምድር ወዲ-ሰበረ፡ ምን ማይድሙ ጀህት ግብለት ምውዳቅ ጸሓይ ለህሌት ዐድተ። መካሪት ምድር ናይላ ባካት መዓቅ ለበዝሐ እቲ እት ገብኦ፡ ሸቡ ረያይም ኣብረት ወጋድሞታትሙ ቡ። ደብረሲ፡ ደብረሳህሊ፡ ዐዲንፋሰ፡ ዐዲ- መሕራይ፡ ቢላናዮ ወለመሰሉ ዲብ ሐሰያት ናይላ መዓቅ ለተአሰሰ ደገጊት ገብኦ እት ህሉ፡ ምላድ-መንተ፡ ማይ-ድሙ፡ ወለመሰሉ ህዩ ዲብ ሸቡ ጋድም ለተአሰሰ ዐድታት ቲ። ምን ማይ-ድሙ እብ ማይ-ጨው እንዲ ወደ ዲብ ልትወቅል ለገይሰ ኣድብር፡ ኣስክ ዐረዝ ወዕግን-ዘርኤ በጹሕ። ክሉ ለረያይም ኣድብር ክረቢት ወጋድሞታት እብ ዝላም ክረም እንዲ ገምለ ወወሸዐ እብ ለትፈናተ ዕንታት ለሳሪ ዕንባባታት እንዲ ገረመ ነፍሰ ለትፈትዮ ዲብ እንቲ እክፍም ዐለ።

እብ ክሻፈት እግል ክሉ ለድቀራት ምን ድማን ኣስክ ድገለብ ወምን ሕግሰል ዐልን እቲ ኣካን ኣስክለ ምን ኬኑ ኣልትረኤ እብ ድቀት ታዮህ። “እግል ዓርፈኪ!” ዲብ ንትብህል ህዩ እግል ክሻፈት ምን ሕድ ዲብ ንትማጤ እብ ሰበት ፈሰለትን ወድቀራትን ገርገም እምብል ዐል። ኣብርሃም ምን ጭገር ረኣሽ ኣስክ ጭፍር እግርዬ ፈጥሂ ሐቐለ ጸንሐ፡ እግል ዲብ ድገለባይት እዳይ በሰርታይ ጸርባይ እብ ብሰር ለኣልጠለየ ለትመሰል መሸህዲት ጭብዕቲ እት ፈጥኖ። “እለ እዳክ ሚ ዘብጠተ?” ዲብ ልብል ትሰላሌ።

እዳይ ወዕንቲ ዲብ ሐቲ መደት ተን ሰድቀት ለገብኦ። ግረ እስትራተጂያይ እንሰሓብ ዲብ

ጀብህት ሸብባየት ሕዲን ኣልቃም ድድ ኣዳም ወመካይን ሰበት ዐለ። እግል ቀደም እንሰሓብ ለቀበርናሁ ኣልቃም እንዲ ሐንፈልን ነኣፈግር ወምን ሐዲስ ንትገፈዕ እቡ ዐል። ዲብ ቀደም እንሰሓብ ሰቀትርን ለዐለ፡ ሐሬ ኣባይ ለጸብጠዬ ኣካናት እንዲ ኢተርፍ ዲብ ነኣቲ ኣልቃም ነኣፈግር ዐል። እሊመ እግል ዐለ መሐገዝ ኣልቃም እግል ለኣርህዩ ኢቀድረ። ብዕድ እግል ንባሰር ዐለ እግል። ዲብ ሐሸከርብ (ምን ሐሸከብ ወመገበርብ ኤፍሬም መለስ እንዲ ኣትላዋኦ ለኣፍገረየ ሰሚት) ለሰነዕሁ “ደንደን” ለትሰመ ድድ መካይን ለቀም ፍገራት ሰጌት ህሌ። ደንደን እግል ንሸቁ ለልትፈርገዕ ቀመም ለኣትሐዘ። እግል እሊመ ምን ኣባይ እግል ለኣብዳን እንዲ ቤለ ለለክፋ ቀናብል ጥያራት ወመዳሬዕ እንረክቡ ዐል። ለለወክሰ ቀናብል እንዲ ከሰት፡ ዲብ ክርሱ ለህለ መትፈርገዳይ እንዲ እንፈራትት እንረክቡ ዐል። መብቅያይ ሸቅል ቲ። ኣምዕል ሐቲ ቅምብለት ጥርታር እንዲ ከሰትት እግል እት ክርሱ ለዐለ መትፈርገዳይ እት ኣፈግር ሱድፈት ሰበት ትፈርገዐ እትን ጭብዕት ድገለባይት እዳይ ወድገለባይት ዕንቲ ደፍቡ። ምስትንክርቲ! እብ እንፍጃር ገርብዬ እብ ከማሉ እግል ልትሸንረሕ ወቀድረ ዐለ። “ትረሬ” ለትብህለት ነፍሰ ላኪን ኢትብዴ።

* * *



ኣፕራተር ሬድዮን ተበሰም እት ልብል ገጹ እንዲ ኣብረህ። “ህዝቅያሰ ውህበት ኣድጎይ!” ዲብ ልብል ሸክ ቤለ እት። “ኣይወ...!” ክምሰል እቤላ፡ እግል ናይ ልእኮታት ገፍተር ዲብ እዳይ ክረ እዩ። እብ ሰብርት ጭብዕቲ እት እቃልዕ እግል ሕያይት ዕንቲ ዝያደት ዲብ ክቲብ ለኣክክው። ሳዕት 07:45 የም 19/10/1990 ምን ቃእድ ቦጦሎኒ 30.2 ሳልሕ ዕምሬ (ወድ-ዕምሬ) እንዲ ቀርኣኮ ክምሰል ኣትመም፡ “ልእኮት ሰጌት ኣምጸኣኪ!” እንዲ እቤ ወዲ-አገዝ እግል ኣርእዩ መጤውተ። ህቲመ እብ ተረቲ፡ “ኣማንኮቲ ልእኮት ድንሰት!” እንዲ ቤለ እግል ኣፕራተር፡ “በገ እግል ሚርሐት መጃሚዕ ትላክዮም! ዐፍሸኩም እንዲ ክምከምኩም ኣንፋርኩም እግል ልዳለው ሐቡርም” ቤለ። ኣስክ ለትለኣኮት መኪነት ኣስክ

ትመጸኣኹ፡ ዐፍሸኒ ምን ዐዲ-ንፋሰ ኣስክ ጸርግዩ እንዲ ክሬን ዳሌ። ባካት ሳዕት 21:00 (ሰዕት ሴዕ ኣምሱይ) መኪነት ክምሰል መጽኣት፡ እግል ዐዲ-ንፋሰ ምሰል ምድር ወዲ-ሰበረ፡ ሕቀትን እንዲ ህብናህ ክባባይ ገብኣ። ፈጅራተ የም 20 ዲብ ጸዕደ ዐዲ ወዐል። ማሲ ምድር ክምሰል ገብኦ እንዲ ትብገሰን ላሊ ባርንቶ ኣቲ። ምባባይ መክተብ ቦጦሎኒ 30.2 (ህንደስት) ዲብ ፎርቶ ባርንቶ ሰበት ዐለ ፈጅራተ ዲብ መዲነት እግል ንው-ዐል ለለኣፈርህ ይዐለ እግል። ቃእድ ቦጦሎኒ ሳልሕ ዕምሬ (ወድ ዕምሬ) ኮሚሽኔኔ ሸሂድ ብርሃኔ ክንፈ (ሳሊ) እግል ክልኢትን ሚርሐት ፈሰለት ለተትሐዜ ሐብሬ ወበርናምጅ ሸቅል ሐቐለ ህበው፡ እብ ሸፋግ ኣስክ ራመ ትግራይ እግል ንትብገሰ ሐበረው።

ሰፈር እብ ምውዳቅ ጸሓይ ትግራይ እንዲ ጠዋነቲ ለዐለ። የም 22 ምን ባርንቶ እንዲ ትብገሰን ዲብ ጀርበት ባካት ባድሚ ትመዬ። ፈጅራተ ዲብ እንዲ ወዐል። ማሲ ምድር ጸሓይ እብ መዐደይ ሕሊል ተዘዘዜ ክምሰል ትሸልህተት እብ ደቁ-ዘርኤ (ባድሚ ሰንበል) እንዲ ፈገርን ኣስክ መሓፈዘት ኣድያቦ (ትግራይ) እግል ንኣቲ ጃሽ ወያኔ ዲብላ ዐለው እት ኬለት በጽሐ። ምን መኪነት እንዲ ኢንትክሬ ህውዮትን እግል ነሐብርም “ሸብባየት ሕን መንገኣት ክሰቶ እግልን” እምቤሉ እግል ጥርድየት ለጸንሐ። እብ እቲ



ምናድል እስቅያሰ ውህበት እት መደት ንዳል

ቦጦሎኒ 30.2 ጸንሐተ። እለ እብ ተክለዝጊ ነጋሲ (ጅምጋዜ) ፍጹም ተወልዳ (ግራንጅት) ለትመረሕ ፈሰለት፡ ዲብ ሰነት 1989 ቀዳማይ ህጃም ሸሬ እንደሰላሴ፡ ምን ማይምኔ ኣስክ በራክባ ባካት መንደፈረ፡ ዲብ ገብኦ ህጃም፡ ወራታት ህንደስት ትሰርግል ለዐለት ተ። ሐቆ ካቲማህ መሃም ክለን ውሕዳት ጀብህት ሸብባየት ለባካት እንዲ ኣዘመየ ምን ገይሰ እት ህለዩ፡ እለ ፈሰለት እለ ላኪን፡ ኣልቃም እግል ትሸግር ወዲብላ ባካት ዕስኩር ለዐለ ጃሽ ኣባይ እግል ትራቅብ ዐስከርያይ መናውረ እግል ቲዳ ዲብ ባካት ክምሰል ትጸኔሕ ገብኣ። ዲብ ሰነት 1990 ዲብ ክሳድ-ዕቀ ዕስኩር ለዐለ ጃሽ ደርግ እግል ሃጀሞት ዲብ ወዳተ ዐመልየት ህዩ ቃእድ ፈሰለት ተክለዝጊ ነጋሲ ወቃእድ መጅሙት የቆብ ተክላይ (ወዲ-ዛግር) እብ ፍርሰነት ኣሰተሸህደው ምን፡ በደለ ቻምባዚ ምን ምድር-ወዲሰበረ ለመጽኣ ብርሃኔ ገብሬ (ርዘ) ምሰል ፍጹም ተወልዳ ሚርሐት ፈሰለት እንዲ ገብኣው፡ ምሰል 30 ለገበኦ ኣንፋርም ዲብ መዐስከር ጸንሐው። ክሎም ኣንፋርን ምን መኪነት እንዲ ትባረኑው ክምሰል ትክረው፡ ናይ ሰፈላል ምሰል ኣንፋርላ ፈሰለት መትሳግም ወደህይ ሕድ መትሳኣል ገብኣ።

ለፈሰለት እግል ንበድልቲ ለመጽኣኹ። እብ ገብኦ መትቃያር ክለን ፋርሓም ዐል። ሕን ዲብ እንኣምሩ ሕምግሌለ (ምድር ሐዲስ) ሰበት መጽኣኒ ምሰል ድቀራት እግል ንትኣመር ዐሽም ዛይድ ዐለ እግል። ኣንፋርላ መስኮብ ቀይር ለዐለት ፈሰለት ህዩ እግል ረዩም ወክድ እበይኖም ሰበት ዐለው፡ ለናይ መትጨንታር ልጃም ሰበት ትፈተሐ እሎም ፈርሐቶም ቅያሰ ይዐለት እለ። ፈጅራተ እሰቡሕ ሐቆ ፍጡር መስኡሊን ክልኢተን ፈሳይል እበይን እንዲ ትፈንጉትን ትገላ።

ብርሃኔ (ርዘ) ለትበድለኩም ፈሰለት ትመጸኣኩም ህሌት ምን ንትብህል ሰለሰ ኣምዕል ወዳን ኣደግኩም መሸ። እንዲ ቤለ ትሰላሌ። ወዲ-አገዝ ምን ሐልፈ ተጃርቡ እንዲ ትብገሰ፡ “ወያኔ ምን በዲሮም እብ ምድርም እንዲ ቡተክን ነሐልፍ እት ህሌን ለኣትማርር፡ ኣስክ እብ ውቁላም መስኡሊን መፋህመት ትገብኦ ሐቲ ኣምዕል ብላሽ ሐልፈት” ቤለ። ኣነ

ህዩ ሸርሐ ካሬ እንዲ ገብኦ ሰበት ኢትሰመዳ፡ ለሳደሬን እብ ተፋሰል ሸርሐት እለ።

ዲብ ምግብ ህግያዩ ፍጹም፡ “ኣላ ወዲ ውህበት ለገብኣቲ ለኣትፈክረኪ፡ ብዕድዲ ንእዘም ምን እግል መሳሪፍን እንዲ ጸዕነት ለትመጽኣ ማርሲድሰመ ዲብ ወሬሕ ሰበት ከፍ-ዐው ሕን ክእን ላቲ መታክል ለመድናሁ። ሸቅል ሰበት ለዐቤ ላኪን ኢንትኣየሰ እቡ። ብዙሕ ክምሰል እለታት ዐራቂል እግል ልሳድፈኩምቲ መቅጠን ደው እሉ ሌጠ። ለትሰረረተ ዲብ ዐድው ሻውሽ ምውፋር ሰበት ህለ ዲብ ልእኮት ንድኣ። ህቲ መጅብ ሰፈር ጀብህት ሸብባየት እት ምድር ትግራይቲ ናሱ እግል ልፍቲሐቲ” ቤሌ።

ዲብላ ህግያኹ ለድቀራት ኣስክ ነኣምሩ፡ ገሌ ምን ኣፋርላ ፈሰለት ምሰልን እግል ለኣስምኖ ትሰኣልናህም። ዲብ ባካት መረብ ለሬመ ወቅት ለወደ ፍጹም ተወልዳ፡ “እበይንኩም ኢኮን ነሐድገኩም ለህሌ። ነፈር እዳረት ሸብብ መላህይ ክሕላይ ገብረሂውት ምሰል ሚሊሽ ቆሓይን፡ ዓይሉ-ጉንደት ወእንደገርገሰ ወድቀራቲ ዲብ እለ ሰበት ህለው፡ እግል ድቀራት ሰነ ወኣማንቶም ለለኣሙሩ። ገሌ ሕዳም ኣንፋር ወያኔመ ህለው። እንዲ ኢንትብገሰ ምሰል ክሎም እግል ነኣትኣምረኩም ሰበት ቲ። ምሸክለት ኣለቡ” ቤሌ።

እንዲ ኣትለው እብ ሰበትላ ዲብ ድቀራት ለዐለው ናይ ሚሊሽ ሸብባየት ወናይ ወያኔ ትግራይ፡ ኣሰማይላ ኣካናት፡ ጸቢዋ ድፈዕ ኣባይ፡ ሐሊት ወመቅደረት ጃሽ ኣባይ፡ ዲብ መደት ፊራር ለልትገፈዕ እቡ ዐስከርያይ ብሰር ወጠቢያይ ናይ ሰለላ ፊራርታት እብ ፋዬሕ ሐበረው። መክዘኖም እተየ ክምሰል ህለ ክምሰል ኣርኣውን ህዩ፡ ብዝሐ ወትዕየት ናይላ ትክዘን ኣልቃም ዲብ ምድር ወክራጠት ሰለመው። ናይ ክርስ እስትላም ክምሰል ወዳን፡ ዲብ ኣንፋር እዳረት ሸብብ ጀብህት ሸብባየት ወወያኔ እንዲ ነስኣውን ምሰሎም ኣትኣመረው። ማሲ ምድር ክምሰል ገብኦ ዲብላ እግልን እንዲ ጸብጠት ለመጽኣት መኪነት ዐፍሸም ወናኖም እንዲ ትጸዕነው ትሳረሐው ምን።

“ገበይ ምሰል ወድ ዐድ” ክምሰል ልትብህል ሰብ ቅድረት ወሰቡላም ውላድ ዐድ ሰበት ረክብን እንዲ ኢኣድግ ለዳይመት ሐያትን ኣምበት። ምን ደምቤ-ሸሁ ዲብ ንትብገሰ ዲብ ባካት ዓይሉጉንደት፡ ክሳድ-ዕቀ፡ እንደገርገሰ ወቆሓይን ዕስኩር ለዐለ ጃሽ ኣባይ ዲብ መደት ሐጫር ክምሰል ረሐት እዳን ኣመርናሁ። ድራሳትን እንዲ ኣሰፊን ክምሰል ኣትመምን እብ ገጽ ላሊ ዲብ ክርስ ድሬዓት ጃሽ ኣቶብዩ ዲብ ንትሐልወሽ ዲብላ እብ ጀህት ኣደሐ ሌጠ ዳደማን ፈግር እቲ ለዐለ መራክዝ ድድ ኣዳም ወዲብ ጸርግያታቲ ህዩ ድድ መካይን ወደባብ ኣልቃም እት እንሸግር እሉ ለምድር እንዲ ሰክበ ክምሰል ኢነብር ወኢልትሐረክ እቲ ወዳናሁ።

ትተላሌ.....

ሄራር ተዕሊም ዲብ ምዴርየት ነቅፈ

ሙሰውር፡ ክብርም ጸሀይ

እት ለሐልፊ ወክድ ሰሐፍይን ቅሰም ጀራይድ አሰክ ምዴርየት ነቅፈ እንዴ ተሐረከው ሄራር ተዕሊም ምዴርየት ነቅፈ እግል ልድለው ምሰል እስታዝ ጅምዕ በኪት ጅምዕ መስኩል ተዕሊም ምዴርየት ነቅፈ ሃድጋም ዐለው። ካልኣይ ወናይ ደንገበ ክፋል መቃብላቶም ሆይ ዲብ እሊ ናይ በርናምጅ እግል ንቀድመ እግልኩምቲ፡ ቅራኣት በኪተት።



እስታዝ ጅምዕ በኪት

ድዕፍነ ዲብ እንግሊዝ ወሕሳብ እግል አርአው ከአፎ ትሰድምም ዲብ ልብል ሰኣል እት በልሰ እስታዝ ጅምዕ በኪት፡ ሕነ ክልዶል ስታት ህለ እግል፡ ሰልፍ ዲብ ናይ ደርስ ወአድረሶት በርናምጅ እብ ሰበት አግቡይ ጽብጠት ስታት ወአግቡይ አድረሶት ለመሰል፡ ክል ሰነት ሕኔት ክምሰልሁ እንወዴ ዲብ እሊ ወክድ እሊ ለህለ በርናምጅን ዲብ ሕሰሰ እግል ንረክዝቲ ሓሳባም ለህሌ። እብ ፍንቲይ ዲብ እሊ ናይ አዜ ሰነት ካልኣይ ሰሚሰተር ናይ መአንብታይት ናይ ሕሳብ ወእንግሊዝ አግቡይ አድረሶት ዲብ እግል ንረክዝቲ። ከምሰልሁም ዲብ ካልኣይት ደረጃት ናዲ ናይ ሕሳብ ህለ እግል፤ እሊ ሕሳብ ከአፎ ተአደርሶም እግል ንጅህድቲ። ለህለ መጋድዕነ ሆይ ናሶም ናይ ሕሳብ ሙደርሲን ብዝሓም ሰበት አህለው እግል፡ እብ ሕዱድ ደረጃት ቱ ትሸቁ ለህሌት። እሊ ለእግሉ ተአወቁ ለህሌት ሆይ ሰኣላት እንዴ አዳሌክ ደረሰ እብ ሕበር ክም ናቅቅ እቲ ገብእ ሰበት ህለ ዲብ ለሐሴት ደረጃት ህለ እግል ልትብህል ልትቀደር። ምህር ሰናት እበ ከሰሰ ሆይ፡ እሊ አግቡይ እሊ ዲብ ናይ ቦርዲናት ልትገፍቦ፡ እሊ ለሐሴት እግቡይቲ። ደረሳይ ሕኔት ምን ሙደርሲ ሌጠ ልታኬ ምን ሰናቲ ወእግሉ ለመሰሎ ደረሰ ወእሊ አግቡይ እሊ ላመ ክም ፋህም እንዴ ገብእ ለልሐብርም ደረሳይ፡ ዝያድ ሰቀት ሰበት ወዴ ወእግል ሰናቲ እግል ለአፍህም እንዴ ቤለ እንዴ ሐፍዝ ሰበት መጽእ፡ እግሉ ወእግሉ እግል ለአፍሞም ዱልያም ለህላው ሰኔ ኔፍዳይቲ። መሻረከት አዋልድ አንሳት ምን መአንብታይት አሰክ ደረጃት ሳወ ልትከረየ ለህለ እት ወዴሕ እስታዝ ጅምዕ፡ ሰልፍ ክሉ ለዐደድ እንዴ ኢገብእ ለመሻረከትቲ ለልትርኤ፡ እሊ ሆይ ለመሻረከት ዲብሚ ደረጃት ክም ህሌት እግሉ ክም

አክድክ ሆይ ለበቃዐቲ ልትትርኤ፡ እሊ ሆይ ዲብ ካልኣይ ደረጃት ወምግባይ ደረጃት እትልብል ዲብ ነቅሱቲ ለትገይሱ። አሰክ ሳወ ለገይሰ ሆይ ሐዳተን እግል ልትብህል ልትቀደር። ሰበቡ ዲብ 8ይ ለአምተሐነው 800 አው 600 ሐቆ ገብእ ለ400 ውላድ ገብአው ምንገብእ ለ200 አዋልድ አንሳት ተን። እሊን ሆይ ድራሰትን እንዴ አተላለየ አሰክ ሳወ ምን ልትከረየ መሻክል ወኢገብአኒ። ምናት ክልዶል አሰክ ሳወ ለልትከረየ ሐዳተን። እሊ እምበለ ሐዳት ድራሰትን ለልአተመ ለብዕዳት ብዕድ ጃንብ ሰበት ለአቀምተ ለአትካርመ። እሊ እግል ሳሪየት ሆይ ለትፈናተ ተዕሊት ገብእ እብ ደረጃት አቅሊም ለመጽእ፡ እብ ምዴርየት ለቀንጽ፡ እብ ደረጃት መዳርሲ ተዕሊት ገብእ፡ እብ እዳራት፡ አፍሪዐት ሸባብ ወመሕበር አዋልድ አንሳት፡ ፖሊሰ እብ ክሉ ሐብሬ ልትሆብ። እሊ ሆይ ብዙሕ ተቅደር አምጽእ ምንመ ኢልትብህል 50 ዐለየ ምንገብእ 55 እብ ሐድ ዐደድ ወሰኑት እምጽእ ህለ። ዲብ እምተሓን ማትሪክ ላኪን ለነቲጅት ብዙሕ ብቅዕት አህሌትኒ። እሊ ሰበቡ ዲብ ናይ መአንብታይት ደረጃት እብ ትግራይት ሰበት ልትደረስ ወብቅምም ሙደርሲን ናይ እንግሊዝ ሰበት ኢልትረከቦ እሊ ድዕፍነ እሊ እንዴ ለአተላሌ አሰክ ምግባይ ወክልኣይ ደረጃት ለበቃዐት እት ነቅሰ ገይሰ ወነቲጅት እት ማትሪክ ሆይ ትነቅሱ። ምህር እግል ዐባይ ዲብ ምዴርየት ነቅፈ ዶል እንርኤ ሆይ ለበዝሐየ አዋልድ አንሳት ተን እሊ በህለት 50 አዋልድ አንሳት ደርሰ ህለየ

ምንገብእ አው ምር አው ሆይ በሕ መሻረከት ውላድተ ለትትርኤ። ሰበት እሊ ዲብ ምህር እግል ዐባይ ሻርክ ለህለየ 100 ምን ምእት አዋልድ አንሳትን እግል ኒበል እንቀድር። እሊ ሆይ ዲብ 30 ኑቃጥ ልትሆብ ለህላቲ። እምበል ዲብ መዲነት ነቅፈ ዲብ ኩሉ እዳራት ደዋሐ ህለ። ዲብ ሙስተቅብል ዝያድ እግል አደቀቡቲ አሰክ እዳራት ደዋሐ ክም ሸብ ህለ እግሉም ቀደም እሊ ዲብ ምህር እግል ዐባይ ለሻረከ ወእግል ልሻርክ ለወጅቡ። ዲብ ብዝሐ ለህለ ሆይ አውለውየት እግል ሂበትቲ። አብደዮት ቅዌት ለአትመመየ እዳራት ደዋሐ ሆይ ነቅፈ ዲብ ክልኢቲ እዳራት 1 ወ2 ውብዝሓት እዳራት ደዋሐ ህለየ። ዮም ዓመት ለትከሰተ እግልን ሆይ ዲባዮ ምን ወናዕሌ ተን። ለቀደም እሊ ለዐለ እግልን ሆይ ለአተላሌ ህለ። ዲብ መጽእ ለልትከሰት እግልን ሆይ ሕዳይ ድክት፡ ዐንቀር፡ ማሼለት ወግርዕ ገመል እግል ክስተት በርናምጅ ህለ። ለህለ መሻክል ላኪን ናይ



ገብእ ለህለ ጅህድ እት ወደሕ እስታዝ ጅምዕ፡ ምር ለተዕሊም ዲብ ክሉ እግል ኩሉ! 80 ምእታይት ዲብ ኩሉ ባጽሓም ህሌን እግል ኒበል እንቀድር። ምናተ እት ኩሉ ብጽሐት ሌጠ እንዴ ኢገብእ ነቲጅት ሚ ትመሰል ህሌት ጌመሞቲ ለምር ጃንብ ቲ። ነቲጅት እግል ንሰጅል ገብአን ምንገብእ ሆይ ውዛረት ተዕሊም ወሙደርሲን ሌጠ እንዴ ኢገብእ ኩሉ አፍሪዐት ውዛረት ወእዳርይን እብ ሕበር ክድመው ምንገብእ ወሀደፍ ተዕሊም እንዴ አመረው ተሐረከው ምንገብእ፡

ካፊለቲ ነቲጅት እግል ትዕቤ ተዕቤት ወተእሂላት ሙደርሲን ልትሆብ። ክም መሰል ዲብ ክለን ክላሰተራት ናይ አግራዕ፡ ወበያን እግል ሙደርሲን ተእሂል ዲብ ናይ እጃዝቶም ሰነብት ሌጠ ልትሆብ። በዲር ሐቲ ሰንበት ሌጠ ሰበት ዐለት ተእሂል እግል ተሀብ እት ልትቀደር ኢዐላ። እዜ ላኪን ሰንበት ንኢሸ ወሰንበት ዐባይ እጃዝት ጋብአት ሰበት ህለየ ኩሉ ሙደርሲ ዲብ መዲነት እንዴ አክብክ እግል ተአድርሱ ምንመ ኢልትቀደር፡ እብ ክል ባኮቲ እንዴ ወዴክ ሐብሬ ወተእሂል ልትሆብ ህለ። እሊ ሆይ ሴድያቲ ምንመ ልትብህል ክም ሰዳይት እንዴኢኮን ብቆዕ ደረጃት ለልአበጽሐም ዝያድ እብ ለትወቀለት ደረጃት ምን ልትነዝም ፈሀም ወነቲጅት ዐባይ ወአብጽሐ ልብል እስታዝ ጅምዕ በኪት። ለህለ መሻክል ወተርኪዝ ዲብ መድረሰት ዝያድ ኩሉ ሕሰሰ ምህምቲ ምንመ ልትብህል፡ ኩሉ ዲብ እሊን ሰለሰ ሕሰት በህለት ሕሳብ እንግሊዝ ወሂገ እም ትግሪይት ሰበት ልትንኩብ፡ ዲብ እሊ ምዴርየት ሆይ ዲብን ንቁሰ ሰበት ህለ ብዙሕ መሻክል ጋብእ ህለ። ዲብ ናይ መአንብታይት ናይ ትግራይ ሙደርሲ አሉብክ ምንገብእ ለገብእ ቅራኣት ወክታብት ለአምር እንዴ ትቤ አይ ሙደርሲ እግል ተአቲ እት ኢልትቀደርኒ። መቅደረት ወእህትማም ለቡ፡ አምር ለቡ ቲ ለልትሐይ፡ እሊ ሆይ ብዙሕ ሰበት ኢልትረከብ እሊን ለእንቤለን ሕሰሰ ተን ብዙሕ መሻክል ጋብአት ለህለየ። እስታዝ ጅምዕ “ምር ዲብ መዳርሲ መሻክል ጋብእ ለህለ እብ ፍንቲይ ሙደርሲን ዲብ ወክድ አድረሶት ቀያየርት ቲ። ዲብ ናይ ዕርፍ ሰር-ሰነት ወሰነት ገብእ ምንገብእ ብዙሕ መሻክል ወየአምጽኢ። እግልሚ ምን ህለ እግልክ ወእብ ምን እግል ትብድሉቲ ወትሐሰበ እቲ ወገብኢ። ዲብ ምግብ ለሳድፍ ተቅደራት ላኪን ዲብ መዳርሲ ደቅሞ ለክልቅቲ ወደረሰ ልተዘው። ሰበት እሊ ተቅደር እግል ልግበእ ገብእ ምንገብእ ዲብ ናይ እጃዝት ወክድ ገብእ ምንገብእ ዝያድ ለሐላ ቲ” ልብል።



ሙደርሲን ዲብ ልትብህል ለህለ አካናት ኑቃጥ አብደዮት ቅዌት ናይ አድረሶት ለልትፈረር ኢረኪብ ቲ። እብ ፍንቲይ ለምን መዳርሲ ረይም ለህለ ባኮት ሙደርሲ ሰበት ኢልትረከብ አብደዮት ቅዌት እግል ተአተላሌ ዲብ ክቡድቲ ለህለ ልብል እስታዝ ጅምዕ በኪት። ስትራተጅየት ሕኩመት ኤራትሮየ ተዕሊም ‘እት ኩሉ እግል ኩሉ’ ለትብልተ ከእሊ ስትራተጅየት እሊ እግል አክዶት

እብ ተሰትህል እግል ልትብህል ልትቀደር። እሊቲ ሆይ ክም አውለውየት እንዴ ተሆብየ እብ ሕበር ልትሸቁ እቲ ለህለ። እግልሚ ተዕሊም ህለ ምንገብእ ለብዕድ ተጠውር እግል ልምጸእ ቀድር። ተዕሊም ኢህለ ምንገብእ ላኪን ተጠውር እግል ልምጸእ ኢልትቀደርኒ። ሰበት እሊ ዲብ ተዕሊም ብዙሕ እግል ንረክዝ ህለ እግል። እሊ እብ አፍ ሌጠ እንዴ ኢገብእ በያን እብ ዐመል እግል ልግባእ ለህሌት እሊቲ። ለንትሃገዩ ወለ እንሸቅዩ እክል ሕድ ገብእ ምንገብእ ሆይ እግል ንትዐወት እንቀድር። ለብጽሐት እት ኩሉ ሆይ ታመት ምንመ ህሌት ለነቲጅት ላኪን ብዙሕ ለትረይሕ ጋብአት ኢህሌትኒ። እብ ጃንብ ናይ ውዛረት ተዕሊም ለህለ እግል መዳርሲ እብ ክላሰተራት እንዴ





ዕል ም

ወቅት

“ወቅት ምን ደሀብ ቀሌ”፡ “ወቅት እት ብከ ወቅት ኢትትጸበር”፡ “ሐር እውድዮ ሐር ትውዴከ” ለልብለ በሀል ወአምሳላት ብዙሕ ዶል ልትደገሙ። ሰላዲ ምን ጁብን ዶል በዲ አውመ እት ለኢነፊዕ ጋራት ዶል እንሰርትከ ሚ ልትሰመዐን? ወቅትን እምበል ተርጀመት ብላሽ ዶል ነሐልፉ ህዬ፡ ሚ ልትሰመዐን? እለን ክልኤ ሰኣል እለን አግደ ተን። ሰላዲ ትቀሌ ሚ ወቅት ለልብለ ሰኣል እግል ንቃሽ ነሐልፉ። ምናተ ክልኢቱ ግምሽ እግል ኢልብዲ መትደጋግ ለኢትሐዘኔ። እብ ፍንቱይ ህዬ፡ ደረሰ በርናምጅ ድራሰቶም፡ ሕፍቶም ወዕርጭም ክሉ እብ ወቅት እግል ልትቀየሰ ወጅብ። ወቅት እብ ዋጅብ እግል ንትነፋዕ ሐቆ ገብኢኔ፡ መግዴሕ ዋዴሕ ለኢትሐዘኔ። ወቅት ካሬ ብከ እንዲ ኢገብእ ለሀለ እግልከ ወቅት እብ ከፎ ትትነፋዕ እብ ቱ። ሰበት እሊ ሰልፍ መግዴሕን ሚ ቱ፡ መግዴሕን እት ኣካት እግል ልብጸሕ ሚ ወራታት ለኢትሐዘኔ? እንዲ እንቤ ንሕሰብ። እለን ሰኣላት እብ ዋጅብ ሐቆ በለሰናህን ሐር ወቅትን ከኣፎ ነአመቀርሐ ወንትነፋዕ እብ፡ እግል ክል ወራት ኣክል-አዩ ወቅት ክፍየ ንሐሰብ። እግል ድራሰት፡ ሕፍቱ፡ ሰኣብ ወዕርፍ፡ መርዲት ነፍሰ (ኑብራ፡ ሕጽቤ፡ መትመሻይ፡ መትፋግዶት ወለመሰሉ) እንዲ እንቤ ምሰል ሓለት ሐያትን ወቅቱ እንፈንቱ እግል። በርናምጅ እንዲ አፍገርን እብ በርናጅን ሐቆ ትቀየድን እግል ንትወወት እንቀድር።

ቢንያም ገብረገብጋብሃር እተ እብ ‘መግዴሕ ለመርሐ ደርሰ’ ለልብለ አርእሰ ክታቡ እብ ክሰሰ ደረሳይ ወአምሐደርት ወቅት ሻሬሕ ሀለ ። ገሌ ምኑ ሰሰ ገበይ መትነፍዶት ወቅት ራቱዕ፡ መግዴሕ (Purpose)፡ ስታት(Plan)፡ አውለውያት(Priorities)፡ እግል አዳሌካህ ስታት ዳፍዶት (protect your plan) ወብዕድ ንቃጥ መሰል እንዲ አትሰ እዱሉዩ ሀለ።

እዳሪት ወመትነፍዶት ወቅት ደረሰ ለልብለ ጋራት ወአፍካር፡ ሰኡ እግል ልትፈሀም፡ እብ ለትፈናተ አብሳር እንዲ ትክደመ እግሉ እት ፍዕል እግል ልውዕል በ። ዋልዲንመ እትሊ ጋር እሊ መታብዐት ትርድት እግል ንውዴ ወጅብ። እግል።

ወቅት ዕሰ ወቀይድ ናይ ክሉ ጋራት ሓያት ቱ።

ወቅት ዲብ 3 ዓበዩ ዓመድ ልትክፈል፡- ሓልፍ፡ ሓድር ወለመጽእ ቶም። እብ ወቅት ንትሃን እት ህሌኔ፡ በዲር ለገብኢ(ሓልፍ)፡ እኔ ጀሬ ለሀለ(ሓድር)፡ ወግሪ እሊ ለጀሬ (ለመጽእ) እግል ልግባእ ቀድር።

- ሓልፍ(past)፡ መድረሰትን ቱ እግል ንቀይሩ ደእንቀድርኒ ላኪን ምኑ ንትዓለም።
- ሓድር (present)፡- እሊ ህዩ ህድየት ቱ (እብሊ ቱ ህዩ እብ ሉቀት እንግሊዘ present ልትበሀል) ዮም በሰ ተ ዲብ እዳን ለህሌት።
- ወለመጽእ (future) እሊ ህዩ ሕልምና ቱ። ፈጅር ለእንበትኩ ዮም ለዘራእንናሁ ቱ።



ተአደፍዑ።

- አምዕል ወሳምን (day and week)፡- ወቅት ዕርፍ ወሽቅል ለእንቀይሰ እበን ተን።
- ሰነት ወዕር ሰነት (year and decade)፡- ሐያትን ለትትቀየር ዲብ፡ ብሽለት ለመጽእ ዲብ መቀየሲ ወቅት ቱ።
- ዘበን ወሚላንደም(century and millennium)፡- ወድ ቢን-ኣደም ታሪክ ለሽቃ ዲብ አርድን ለትቀየረት ዲብ ወቅት ዐቢ ቱ። አክል አዩ ነኣይሽ ከምሰል ሕና ለኢትፈቅደን።

ወቅት ከፎ ነዕልብ?

ሓጃት እት ወቅት ሕዱድ ወእመር ጀሬ። ለገኡት ሓጃት እግል ንሽራሕ እብ ዓሳሰ ናይ ወቅት ንትነፈዕ በሀለት ቱ። እሊ በሀለት ካልኢት፡ ደቂቀት፡ ሳዕት፡ አምዕል፡ ሳምን፡ ወሬሕ፡ ሰነት ወለመሰሉ እንብል።

እት ሐቱ አምዕል 24 ሳዕት ህለዩ። እለን 24 ሰዐት እት ክልኡት ውካን ልትክፈለ። 12 ምንን ቀደም አድሐ፡ ወ12 ምንን ህዩ ሐቆ አድሐ ተን። ምን ምግብ ላሊ አሰክ ሰር-አምዕል ለሀለ ወቅት ቀደም አድሐ ልትሐሰብ። ምን ሰር-አምዕል አሰክ ክፍለት-ላሊ ለሀለ ህዩ ሐቆ አድሐ ልትሓሰብ። ሳምን ሐቱ ሰቦ አምዕል ቱ። እት ሰነት 12 ወሬሕ ህለዩ። ሰነት 365 ወ1/4 አምዕሉታት ህለዩ እት።

ወቅት እብ ከፎ እንካፍሉ?

ወቅት ለትፈናተ መቀየሲ አው አግቡይ ዐለቦት በ። ወክል ምር ምናመ ናይ ናሱ መቀየሲ በ።

- ደቂቀት ወሳዕት (minute and hour)፡ እለን ነኣይሽ መቀየሲታት ወቅት ተን። እለን እግል አምዕላይ ሽቅልን እግል ንቀይሰ እበን ነፍዳ። ሐቱ ደቂቀት እግል ምር ጣኢረት ለሐልፈቱ ነፈር ዐውል ቃሊ

ወቅት የመምክ ሚ ትየም፡- ለትብል ድግም አሕመድ ወሐሰን ለልትበሀሉ ክልኡት ሽቃሉ፡ እግል ንዳግም እግልኩም ቱ። አሕመድ ወሐሰን ለልትበሀሉ ክልኡት ሽቃለ ዐለው። ሐሰን ክል-ዶል “ወቅት ደኣለብዬ” እት ልብል ልትሻቀል ዐለ። እት ወቅቱ ሽቅሉ ለአተምም ይዐለ። አሕመድ ላኪን እብ ህዳኡት ሽቅሉ ሽቁ። እግል ኩሉ ሓጃት ወቅት ካሬ ዐለ እግሉ። መደት ሐቱ ሐሰን እግል አሕመድ ክኣኒ እት ልብል ትሰእለዩ “እንታ ወቅት ካሬ ምን አዩ ተአመጽኡ?” ክም ቤለዩ፡ አሕመድ ክኣኒ እት ልብል በለሰ እቱ፡ “ እነ እግል ወቅት ደኣትባደርኒ፡ ላኪን ክል ሐቱ ደቂቀት ሽቅለ ምክምሰል ትወዴ እየምመ”።


ወቅት እግል ልየምመን እንዲ ኢገብኢ፡ ሕና እግል ንደምመ ወጅብ። ወቅት ክመ ማይ ለዘሬ ቱ፡ ለልትከዲ ማይ ክልኤ መረት እግል ትጽብጡ ኢትቀድ። ሰበት እሊ እግል እለ ሰዐት እብ ዋጅብ ንክደም እት። ለሐልፈ እንዲ ደረሰን ምኑ፡ እግል ለመጽእ ንዳሌ፡ እበ ሓድረትን ህዩ ንትነፈዕ፡ በሀለት ዲበ ለህሌናህ ሓለት እንዲ አተርገዘን ንንበር ወእግል ሓራት አሰር ንሕደግ።

ምን ድግም ቀዳም ደም

እሊ ርክን እሊ እንዲ ለኢትፋጌዕ ወለአደርሰ አድጋማት ናይ በዲር ወእኔ ለልዳሌ ዲብ ርክን ቱ።

ድግም ሐርማዝ፡ ህመም ወወልዱ

ህመም እግል ወልዱ እት ሐቱ ኣካን ሓድጉ ዐለ። እተ ኣካን ለእተ ሓድጉ ዐለ ዲብ እንቱ ሐርማዝ መጽአዩ ክእብ እግሩ ኪደዩ ወእንዲ ደዕከዩ ቀትለዩ። ምን እግል ህመም መውዲ እንዲ ለእከ ወልከ ሞተ እት ልብል አሰኣለዩ። ህመም እሊ ክም ሰምዐ ወልዩ ምን ቀትለዩ? እንዲ ቤለ እግል መውዲታይ ትሰእለ። ለመውዲታይ ወልከ ሐርማዝ ቀትለዩ እንዲ ቤለ አሰኣለዩ። ህመም መደቲት እንዲ ሐሰብ፡ ገድም ወልዩ



ሐርማዝ ቃትሉ ይሀለ፡ ዐጣል ቀትለዩ ቤለ። ለመሰእላይ ህዩ፡ ወልካዲ ሐርማዝ ቀትለዩ። ህመም “ደያእ ወልዩ ዐጣል ሌጠ ቱ ለቀትሉ ሀለ፡ እሊ ውዳይ ዐጣል ቱ” ቤለ። ሐቆ እሊ ህመም እንዲ ጌሰ እግል ዐጣል መድብ እብ ቅትለት ወደዩ፡ ለመርባት ወልዱ እግል ለአቅሰን። ወልዱ ሐርማዝ ቃትሉ ክም ዐለ አምር እት እንቱ፡ ሐለቱ ክም ኢረክበ መርባቱ እት ዐጣል አመሰመሰዩ ከእግሉ ቃተለ። ወእሰክ እኔ ክምሰልሁ ገብኢ፡ አዳም ምርት ምኑ ልደቀብ ክም ዐገበዩ ሐለቱ ምን ኢረክብ እት ምኑ ሐውን ቀንጽ።

ከእብ መሰል ልብሉ፡ “ገብር ሚ ወዴ፡ ዐጣል ቤለ ህመም።”

ዴማት ምን አድጋማት አበው ቀዳም ደም

ተአምሮ ገብእ?

ሐቆ አርባዕ ሰነት፡ ዕልብ ናይ ለራብዓይት ሰነት 366 አምዕል ክም ገብእ?

ወድ-ሚን አደም እት ማይ ዶል ተውቅ፡ ጅተቱ ሐቆ ሰለሰ አምዕል ለዐል ትፈግር። እሊ ለገብእ እብ ሰበብ አሰራር ሐቆ ሽቅሉ አትመመ ለነፍሰ ትትነፋሕ፡ ለትነፍሐት ሓጃት ህዩ እብ ክልቀተ ክም ኢተውቅ ተአምሮ ገብእ?

ዕወር ላሊ ለልትበሀል ሰፊራይ ሕኔት እብ እንጉ፡ ብረት ክም ለሐሬ? እሊ ህዩ ዓጭሞታት እንጉ መረ ቀጠይን ሰበት ገብእ ቱ።

ሰኣ ላ ት

1. ሐቱ ሳዕት ክም ካልኢት በ?
 2. እት ሰነት ክም ሳዕት ህለዩ?
 3. ዐር ሰነት ህዩ ክም ሳዕት ህለዩ?
- በሊሰ
- ።፱፻፱ ቲዕህ 099'ፊ8 ቲህ ጋህዐ ቲሂ '፮
።፱፻፱ ቲዕህ 99ፊ'8 ቲህ ቲሂ '፯
።፱ ቲሂ'ሂህ፤ 009፫ ቲዕህ ቶሂ '1

ሐብሬ

ሓይሳም ቁርኣት፡ እግል ትሻርት ምሰልን ወረኣይክም እግል ተሀቡን ሰእዩትን ዐባይ። ዕንዋንን ውዳሪት ታዕሊ ም ወላእል እዕላም።

ዕልብ ተለፋን 114991
ወዕልብ ቡሰጠት ህዩ 609 ቱ።

መ ጤ ጣ ም

- እሊ ርክን እሊ ለትፈናተ አርእሰ፡ መዋዴዕ ወመዕሉማት ምን ለትፈናተ ዓደን ለልዳሌ ዲብ ርክን ቱ።
- ለለኢትዐጅብ ሐቃይቅ ወቅት
1. ሐቱ ምልዮን ካልኢት 11 ዮም በሰ ቱ። ሐቱ ቢልዮን ካልኢት 32 ሰነት ቱ። ለፈርግ ዲብ ፍንጌህን ለሀለ አክል አዩ ዐቢ ከምሰልቱ ነኣንተብህ።
 2. ናይ ዘበን ሐቃይቅ፡ ምር ወድ ቢን-ኣደም 100 ሰነት በሀለት 1 ዘበን ሐቆ ወድ፡ እብ ጌማም ምግባይ 37,000 አምዴላት ቱ ለነብር።
 3. ሐቃይቅ ዕሉም፡ ዲብ ፍደእ ለሀለ ወቅት፡ ምን ዲብ ምድር ለሀለ እብ ለትፈንተ ሽፋግ ገይሰ።
 4. ወቅት እት ክሉ እንክራት ሐቱ ኢትን፡ ለሰብል ፈርግ ህዩ ምሰል ሰሕበት አርድ ለልትጸበዋ ቱ።

ሕርዮት፡ ደህን እም ወውላደ አዘደት

ሙጅተመዕ ዑፋይ፡ ዕጹምቱ ወኪደማይ። አፍካሩ ፋዩሕ ወመትፋህማይ ሰበት ገብእ ሆይ። እት ዐማር ወደሕን ወጠን እግል ለአሳድር ለትከርዑ አለቡ። ደማን ዓፍዮት እብ መባኒ ሕክምነ፡ ሐካይም ወደወ ሌጠ ኢልትረከብ። ለአግደ ደማን፡ ፍእየት ዓፍዮት ናይለ ወጠን ትመረሕ እብ ለሀሌት ሰደሰት ወለተአተግብረ ጀሀት ተ።

እብ መናሰበት 35ይት ሰነት ሕርዮት ዶክተር ሓምድ ዑሰማን ከሊፈ ምስል ተለፍዎን ኤረትሮፕ በርናመጅ ገለብ ደህን እተ አመሕበረ እቱ ወክድ፡ ዓም ክድመት ዓፍዮት ወእብ ፍንቱይ እት ደህን እማት ወአጀኒት ኤረትሮፕ ለወዳቱ እስትሰማር ወሰፈ። ከፍእየት ወዛረት ዓፍዮት እት አድመናት ዓፍዮት ሚ ክም ትመሰል እት ለአበርህ ቤሉ፡- “ዮም ለሀሌት ወዳመ ለተሀሌ ፍእየት ወዛረት ዓፍዮት ሐቆ ሐርዮት ለመጽአት ኢኮን። ምን 1970 ቅዋት ሸዕብየት ተሕረር ኤረትሮፕ እት እዳህ ሐቱ ለአለበ ዲብ እንተ፡ እብ ሐድ ጽበጠ ሙናድሊን ሸጠቶም እንዲ ጸረው ፍንጌ ዳሽ እስትዕማር ወዳብሊት ክርስ ሕኩያም ዲብ እንቶም እብ መትሰባል ሸብ ወሙናድሊን ዳወ. ዐለው። ሐርመ ሰውረት እት ትጠወር አክለ ጌሰት ለክድመት ፈይሐት ወምን ዋያራት አባይ እት ሐን ምድር አብያት እንዲ ትነድቀ ለክድመት ትትሆብ ዐለት።

ለፍእየት አርበዕ ታኪያት ብእተነ

1. ለታኪያት ዐባይ መተንኮብ እት ኖሰ ተ። እብ እለ ብክ ለእለ ትቀድር ወዳ።
2. ክድመት እት ዐዳለት እጅትማዕየት ለተንከብት ክም ትገብእ አክዶት
3. አትመቃረሕ ሰልጠት፡ በሀለት ሰልጠት እት አካን መርከዘየት እንዲ ትከምተተት ክሉ መምሬሕ ሸቅል ምነ ሌጠ በደል ልትወጀህ፡ ለሃይብት ክድመት ምስለ እተ ሀለው ሐለት ለናሱብ በርናመጅ እንዲ ወደው እግል ልክደዎ ቀዳር
4. ጋብሆት ሕማማት ወነጎት ገብእ እት ሀሉ፡ ለሕማማት ምን በዳሩ እግል ልትከረዕ እተ ሬመ ብርር አሰተሰመርት። ማሌ ክም ሰውረት ወየም ክም ደውለት፡ ለሰትራቴጅየት ወለተከደሀ እለ።።

ዓፍዮት እም ወውላደ እግልሚ እህትማም ዛይድ ልትሆብዩ

ዶ/ር ሓምድ፡- “ ሰልፍ ክሉ ሐቅ ምን ሐቆቆምቱ። ሐቆህ፡ ለአወላዳት አልፍ አምዳላት ዕምርን (ጅነ ምን ልትሐንን አሰክ ሰለሰ ሰነት ወዳ) ዲብ አሳሰ ሐዳት ናይ ምር አደሚ ለዐቤት አሀምየት ብእተን። እብ አሳሰለ ገብእ ድራሳት ጅነ እትሰን አምዳላት እለን ለእም ሰኒ ሐቆ ኢትትመወን፡ ኢተአሰተርሕ አው ሐቆ ተሐምም፡ እት ሐዳቱ ክም ሰከሪ፡ ወቁል ደቅዎ ደም ወብዕድ አምራድ እግል ልትረቤ



ዶክተር ሓምድ ዑሰማን ከሊፈ

እቱ ለሀለ በክት ምነ እለ መሰል መሻክል ለይዐለ እተ ለከደ ገብእ። ከመትቀዳም ወዐቦት ሙጅተመዕ እት ዓፍዮት እም ወውላደ ለአተንከብ። እምበልሁመ፡ ኤረትሮፕ ሸብ ብዙሕ ኢኮን። አዳመ እብ ክሉ ፈኑ ዑፋይ ወዋቂ እግል ልግበእ ላዘም ተ።”

ሄራርን እት አድመናት ዓፍዮት እም ወውላደ ሚ መሰል ሀለ

ዶክተር ሓምድ፡- “ ወዛረት ዓፍዮት እግል ሰትራቴጅየት ለልዐውት እለ ተሌ በራምጅ አፍገረት

1. እት ልትጠወር ለገይሰ እሙር በርናመጅ ክታብት/ፍድኢት
2. በርናመጅ መታብዕት ዐመሰ፡ ዐምሳት ምን ሕነተ አሰክ ወልደተ ሰሰ ዶል(አዜ ሰማን ዶል ጋብእ ሀለ) ከሸፍ ለትወዳ እብ በርናመጅ እት ክሉ ክም ልትሸቁ እብ ገብእ
3. በርናመጅ ለትመቃረሕ ከሸፍ ወመታብዕት ሕማማት አጀኒት ፈግረ፡ እብ ፍንቱይ እት መእረር ሸነብእ፡ መላርየት ወፍጋር ምን ንቅጠት ዓፍዮት አሰክለ ትወቀለት እስብዳልየት ለትጸበዎ መታብዕት ወመካፍሐት ሀሌት።
4. ዐመሰ አሰክ ወልደ ለጸነሕ እቱ (መትጸበሪ ዐመሰ) እት ክሉ ዲብ ረይም ብርር ለሀለ ዕዳት ትዳለ። ለምን ዕዳደት ረይም ለሀሌት ዐምሳት አሰክ መሐጽ ተሀርስ እተ ራድኢት ኢትረክብ እቱ ባካት በደል ትጸኔሕ በዲረ ባክ ሐኪም ወዕዳደት እግል ትጸነሕ ለገብእ በርናመጅ ተ። እለ፡ ለእም ምስል ዕምሰነ ለመጽእ መሻክል ዓፍዮት ሀለ እተ ምንገብእ ምን ጽባብሕ እንዲ ትፈረገት እት ለትወቀለት ዕዳደት እግል ትሕለፍ በክት ለሀይብ።
5. እግል እም ወጅነ ለለአትሐዜ ሙነት/ቅዝ ክም መዓድን ሐጺን (አይርን) ወሸታሚናት ፎሊክ አሲድ ልትሆብ።

6. ክፍሐት ምላርየት፡ እብ ፍንቱይ እግል እም ወምንተሐት ሐምሰ ሰነት ለዕምርም አጀኒት ናሙሰያት እብ ካሬ ዐደድ ልትወዘዕ፡ አላት መርመረ ወደወ ምን ቅሩብ ክም ልትረከብ ገብእ፡ ነዳፈት ድዋር እብ ንዘም ክም ትገብእ፡ ሐፍኒት ዶል ትገርግር ሆይ ረሽ ወዘፍ ከሚካላት ገብእ። ዝያድ ክሉ ሆይ አትፋዘዕ ወተዕቢኢት ዓፍዮት ገብእ።

7. አምር ወቅድረት እማት እግል ትወቀል ወ/ዓፍዮት ምስል ለትፈናተ ወዛረት ትሸቁ። ክሸቦ እግል ልሰረት ወሕቁቅ አንሳት ወአጀኒት እግል ልትወቀብ ወዛረት ዓፍዮት ወውላደት ዐመል ወረዳየት እጅትማዕየት ወመሕበር ወጠን አዋልድ አንሳት ኤረትሮፕ ሰብ-ብርክ ተን። ክሸቦ እት 90ታት ምር ምነ ቁትሉት ወላድያት ለዐለ ዮም 94 ምእታይት ምን ዐዶታት ኤረትሮፕ ሐር ምን ክሸቦ አንሳይት ጋብእ ሀሌ።።

8. ህዳይ ምንተሐት ዕምርመ ምር ምን ሰብብ ሞት እማት ወአጀኒት ምንገብእ እግል ልሰረት ምስል መሕበር ሸባብ ወደረሰ ኤረትሮፕ፡

280 ምእታይት እንዲ ዐብ፡ ዝያድ 350 መአሰሰት ዓፍዮት ሀለየ። ክሉ እለ መአሳሳት ለልትዓወን እብ አላት እግል ኢልትዐጠል ለለአሰት ሰብ ምህነት ሆይ ተዐለመው። እትለ በከሕ መራክዘ ዓፍዮት ወገሌ ዕዳት አምቡላንሳት ገብእየ። እለ አምቡላንሳት ለልትሐረክ እብ አግቡይ እብ ሕኩመት ወሸዐብ ትብክ።

እት መቅደረት አዳም ለትረኤት ዐባትመ ቀላል ኢኮን። ሐካይም አንድብ እት1991- 11 ነፈር ለዐለው ዮም ዝያድ 165 ባጽሓም ሀለው። ዳርሳም አድውየት (ፋርማሲ) እብ 401 ምእታይት እንዲ ዐበው። ምን 97 ዝያድ 496 ባጽሓም ሀለው። ሐካይም (ደካትረ) 100 ለዐለው ዝያድ 300 ገብአው።

ዳርሳም ላቦራቶሪ 99 ለዐለው 500 በጽሐው። ዳርሳም ራጃ (እሻዕት) ሐድ 30 ለዐለው 150፡ ኔርሳት ሐድ 400 ለዐለው 14,080፡ ሲድየት ነርሳት 1200 ለዐለው እት 30 አልፍ ወቁላም ሀለው። እብላ ሀለ ዐቅም ዳርሳም



94 ለዐለ ዮም ምን 25-26 ክሩይ ሀሌ።

ምን 28 ምዕል ወተሐት 35 ምን አልፍ መይቶ ለዐለው ዮም እት 16 ክሩይ ሀሌ። እብላ ኤረትሮፕ ሐቱ ምነ ሰማን ሞት አጀኒት እብ ሰር ለአንቀሰያሁ ድወል ሐንቱ ሰሃረ አፍሪቀ ጋብአት ሀሌት። ለእት 2015 እግል ልትበጸሕ ለዐለ እሉ ሀደፍ ዲብ 2013 በጽሐቱ። ላኪን እለ ትጀሬ ለሀሌት ሞት አጀኒት ብዘሕት ምንገብእት፡ ወዛረት ዕለማም ወሰኩት ወዋወር ቴክኖሎጂ አምጽአት አውለውየት እንዲ ሀበት ትክድም ዲብ ሀሌት።


ፈድል በርናመጅ ክታብት ቱታኑሰ ወጋልዮ(ሸለል) ሰርተዮ፡ መላርየት ሰኒ ሐደት፡ እምበል እለ ዐደዮ ኤች አይ ሺ ምን እም እት ወላድ መጅብ ኢሀላቱ።”

እት ክድመት ዓፍዮት ሚመታክል ሀለ ወከአፎ ልትባላሕ

ዶ/ር ሓምድ፡- “ ምር ምነ አወላይ መታክል ሕዳን ወትዕየት ሰብ ምህነት ዓፍዮት ወግድዐት ቴክኖሎጂ ተ። ካፍሐት ለለዐዲ ሕማማት እት አካኑ ዲብ እንቱ፡ ለሰብ 51 ምእታይት ናይ ሞት ጋብእ ለሀለ ለአለዐዲ ሕማማት ክም ሰከሪ ወደቅዎ ዳውየት ወካፍሐት፡ ጸገም አውጅዶት ማይ ጽሩይ ወነብረ ቅዘት ምነ ሸቅል እት አውለውየት ርቱብ ለሀላቱ። ለእስትሰማር እት አዳም ልግበእ ወብንየት ተሕትየት ለለአትካርም ኢኮን።”

እት ደንገብ ለተሓልፈ ልእኩት ሚ ሀሌት

ዶክተር ሓምድ ዑሰማን ከሊፈ፡- “ለሰርገል ፈድል መሻረክት ሸብብቱ ለትረከብ። 94 ምእታይት ምን ሸብክ ክሸቦ ክም ሐድገዩ ለአወጀ እንዲ ትዝመ ናሱ ድዱ ምን ተዐንደታቱ። ህዳይ ተሐት ዕምርመ መደረቱ እንዲ ፈሀመ እት ለሐድገ ገይሰ ሀሌ፡ አጀኒት ምን ክታብት እግል ኢልትረፍ ለኢልትበጸሕ አማክን እብ ነሐሩ ወመጽዕኑ እት አብጽሐቱ ሰዲ ሀሌ። አዜመ ጋመት አለቡ በሀለት ኢኮን። ክም ክልአት ዐንቀር፡ ታክሶት፡ ወሱክ ነብረ ቀደም ሰሰ ወሬሕ አንባቶት፡ ሐቆ ሰሰ ወሬሕ እት ወሱክ ነብረ ደንገርት፡ እብ ዓመት እት ከሸፍ መትካካር ወለመሰሉ ለልትረኤቱ። ለጋመት እብ ትሉሉይ ዕልም ወምሀር ክም ‘ተምም ሆይ ዳምን አነ። በኪት አሌላት 35ይት ሰነት ሕርዮት!!”



ው/ዐ/ረዓየት እጅትማዕየት፡ ወዛረት ተዕለም . . . እብ መቅራሕ ልትሸቁ። ተዕለም እት አውሐዶት ሕማም ወሞት እማት ወአጀኒት ተረቱ ዐባይተ። ደረጃት ዕልም አክለ ትወቀለት ህዳይ ተሐት ዕምር ነቅቡ ክምስልሁመ እም ዳርሰት ምስለ ኢዳርሰት ዶል ትቃረን ደህን ረሐ ወውላደ እብ ሰለሰ ዕዳድ ዘይድ።

እት ብንየት ተሕትየትመ ብዙሕ ተቅዩር መጽአ። እት ሰነት 1991 እት ክለ ወጠን ምነ ዐለየ 74 መአሰሰት ዓፍዮት 16 እስብዳልየት ወለ4 መርከዘ ዓፍዮት ዐለየ። ዮም፡ እት ሰነት 2026 እለ እብ ዝያድ

ዓፍዮት እግል 10 አልፍ ነፈር ምን 5 አሰክ 10 ሸቃለ ዓፍዮት ከዱሞም። ለፈረው ዳርሳም ብዙሓም ምንማቶም፡ አሰክ እለ ሰብ ምህነት ዓፍዮት ወእብ ፍንቱይ ሰብ ፍንቱት ምህነት ለልትሐዜ ዐደድ ብጽሕ ሰበት ኢሀለ ወዛረት ዓፍዮት እት ሸቅልተ ለሀሌት።

እለ ክሉ እስትሰማር ሞት እማት ወአጀኒት አክል አዩ አንቀሰየ

ዶ/ር ሓምድ “እት 1991 ምን ምእት አልፍ እማት ሐድ 1600 እብ ሰብ ወላድ ወልደት መይተ ዐለየ። ዮም እለ እብ ሕፍዝ መዝመት ዓፍዮት እዲን እት 291 ክሩይ ሀሌ፡ ወዛረት ዓፍዮት ኖሰ እት 2025 እብ ወዳተ ድራሰት ሆይ ለሞት እት 184 ናቅሰት ሀሌት።

ሞት አጀኒት ምንተሐት ሐምሰ ሰነት ምን አልፍ እብ ሕይዩ ለልትወለድ አጀኒት 150 ሐምሰ ሰነት እንዲ ኢለተምም መይት ለዐለ ዮም ለሞት እት ሐድ 35 ክሪት ሀሌት። ምንተሐት ሰነት ምን 72-



ሄራር ተዕሊም ኤረትሮፕ ዲብ ሰዓታት ሕርየት

(1^ይ ክፋል)

ተዕሊም አሳሳ ኩሉ ተጠውራት ናይ ሐቲ ዳላት ቲ። እንዲ ኢልትዕለም፡ ምን ተገርብ ሌጠ እንዲ ትብገሰ ቀደም ለአሳደረ ገቢል ዐለም በታተን ኢሀለ። እሊ ኩሉ ዲብ ዐለም ብጸሕ ለሀለ ተጠውራት ወፍገራት ቴክኖሎጂ ላቲ ሰናዓት፡ ቀዳሙ ወሓሩ ክሉ እብ ዕሉማም ለትሸቀ ወለትመሀዛ ቲ።

ተዕሊም እብ ዓመት እት ናይ ክልቀታይ ዕሉም ወአደብ ልትካፈል። እግል ተጠውር ድወል ህይ ክልኢቲ እብ ምን ሕድ ለኢሊሐምቅ ቅደስ ለአትሐዘ። እት ኤረትሮፕ ዐድና፡ ልትህቡብ ለሀለ ተዕሊም እብ ክልኢቲ ዕሉም ጠቢዐት ወዕሉም እጅትማ፤ ቲ ለልትህቡ።

ምን ክፍለት 19ይ ክፈ፡ ዘመን ወሐር ኤረትሮፕ ዐድነ እብ ሰብሰብ ለአተርቲ ዲብ ለዐለው መስተዕምረት፡ መስኩብት እንዲ ረክበት መዋዋኒን እግል ተዕልም በክት ራክበት ይዐለት። እሊ ህይ ንዛም ተዕሊም ኤረትሮፕ እቲ ሰድት መደት መስተዕምረት ጥልፍን፡ እንግሊዝ ወ ኦቶብዩ ለትፈናተ እግሎም ለከድም ላዋሽ እደይ ልትረኢ ዲብ ምን ዐላቲ።

ኤረትሮፕ ረከብለ ሐቅ ምን ሕቁቅም ላቲ ተዕሊም፡ እግል ሰንን ብዙሕ እት አፍሱል ሕዳድ ክርዓም ወሕሩማም ምኑ ጸንሐው። እብሊ ሰብብ ህይ፡ መዋዋኒን ኤረትሮፕ ቅድረት ለረክቡ፡ ጸምእ ተዕሊሙ እግል ለአርድ፡ ምድር እት ለአረይም ዲብ ዐለዮ እት መታክል ብዙሕ እት ልትካፈ ደርሰ ዐለ። እሊ ህይ እግል ሰር መጅተመዕነ ላተን አንሳት ምን ገብእ ወእግል ቅድረት ለአለቡ እት ብሩር ለትብር መጅተመዕነ ጸር ክቡድ እት እንቲ ለአተላላ ነብረ።

መሰለን፡ እት መደት ሕክም ኢጣልዩ ዲብ ኤረትሮፕ፡ ተዕሊም ምን ሕክት መጅተመዕ ዕሉም በኑ እቡ፡ እዳራቲም ወእቅትሳደም እብ ለከድም አግቡይ፡ ምን ራብዓይ ፈሰል ለኢሊሐልፍ ምህር መአንብታይ ሌጠ እቲ ክልኩላም ዐለው።

ሲያሰት ሕክም ኢጣልዩ ዲብ ተዕሊም፡ “ኤረትሮፕ ከብደም አጽግብ እሉም ድኢኮን፡ ሐንገሎም ኢትምለእ እሉም” ትብል ሰበት ዐለት፡ ለከፊ ኦብካት ተዕሊም እግል ኢሊህቦ ለሐልኮ ወኦብካት ዕልም ክልኦላ ለዐለው ቲ።

እት ሰነት 1941 ሕክም ጥልፍን እንዲ ዞለ እብ እንግሊዝ ክም ትብደላ፡ እት ምድር ኤረትሮፕ ለአሰሐበብ ከደማት ተዕሊም ብዙሕ ይዐለ፡ ምናተ እንግሊዝም ዲብ ኤረትሮፕ ተዕሊም አሰክ 12ይ ፈሰል ሌጠ እግል ልግበእ ቀረረ። እሊ ህይ፡ ናይለ ጥልፍን ጥድያሙ ለዐለው


ሀመሾት ተዕሊም አተላላዮም ለልአርኤ ቲ።

እብሊ ህይ፡ ለአብካት ተዕሊም አሰክ ናይ ካልኦይ ደረጃት ምህር ልወቁሉም ድኢኮን፡ ምሰለ ሻፍግ ጠለብ ዕልም ኤረትሮፕን ለልትመጣወር ከደማት፡ አርዛቅ፡ ቅድረት መደርሲን ወመአሰሳት ተዕሊም ካፊ ይዐለ። እሊ ነዋቅሰ እሊም አሰክ ፍግረት እስትዕማር እንግሊዝ ምን ኤረትሮፕ፡ እባሁ ለአተላላ ዐለ።

እት መደት እስትዕማር አቶብያ፡ ለሄራር ተዕሊም ሸቢህ ተቅዩር ናይ ምህር ጃምዐት አሰኩ ምንመ ትመደደ፡ መዲድ ምህር ዲብ ኢቃሊም፡ እት አንሰ ወተብዐት ከፈፍል መጅተመዕ ወእብ ሀገቢት ወጠን ኢትረከብ ምናም፡ ኤረትሮፕን እምበል ምራዶም ህግዩ አምሐርኛ ክም ረሰምየት ህግዩ እግል ልድረሶ እብ ትፈረደት ዲዓም፡ ሀገቢት ዐድነ ትመነፀ ወአክትብቲ ነደ። እት ክፍለት 1970ታት፡ 95 ምእታይት ምን አንሳት ኤረትሮፕ አብካት

ኤረትሮፕ ሰውረት እት እንተ፡ ብንዩት ትሕትዩት ተዕሊም፡ አላት ወመደርሲን እንዲ አዳሌት፡ እት ሕሩር አራዲ እግል ዐለው ውላድ ጅኑድ፡ ለትሸዕተረው፡ አድሁይ ለአለዎም አጀይናት፡ አጀኒት እብ ሰብክ ወሰግም ለትብር ከፈፍል ገቢልና፡ ኦብካት ተዕሊም ፋትሐት እሉም ዐለት። መድረሰት ሰውረት ዐሬርብ ለዐቤት ምን ኩለን እት ገብእ፡ እት አሰማ፡ በቅሉ፡ እንድላል፡ እምኬሙ፡ ወግሬት፡ ምግባይ ምፍጋር ጸሓይ፡ ወብዕድ ግሪ ከዋ አባይ ለዐለ አማክን፡ ክምሰልሁመ እት ሐንቲ ጸላል ከፈፍል ዲሸ 16፡ 52፡61፡ 70፡ 74፡ 85፡ 96፡ 90፡ ሀንደሰት ወብዕድ መርከዘያት ዲሸ፡ የም አለቡ አጀኒት በክት ድራሰት ረክቡ።

እሊ መዳርሰ እሊ፡ “ዳርሰ ለአድርሰ፡ ወለአደርሳ ልድረሰ” ሐንቲለ ትብል ሰቅራት፡ እብ መብደእ መተንካብ እት ናሱ፡ እት ንዙም ተዕሊም ሌጠ እንዲ ኢብጥር፡ እግል ሸዐብ ወዲሸ ምህር ዐባዩ ወአብደዮት ቅዬትመ



ኢሊህሌ ወኩሎም መዋዋኒን ሐቲ ዐግሎ ዕልም እግል አትሓዋሎም ለሀደፋቲ። ኤረትሮፕ እብ እስትዕማር እት ብንዩት ትሕትዩት ሸንርብ ጋብኡት ዲብ ምንመ ጸንሐት፡ ሐቅ ሕርየት ላቲ እት ብንዩት መዳርሰ ልግበእ ወአትሐሰሳይ መትመዳድ ተዕሊም፡ ምስዳራት ሰኒ ትነሰእ። ዝያደት ህይ፡

ውላድ ራክባም ሌጠ እት ለአትው፡ ሐድ አምአት ምን ደረሰ ትትክበት ለዐለት ሐቲ ጃምዐት አሰመረ፡ እት ብዙሓት ኩልያት እንዲ ዓቤተ፡ እት ኩሉ ኢቃሊም ዐድነ ዕሉም ጠቢዐት ወአደቢ ለልአደርሰ ዐሰርታት ኩልያት እዳሊት ህሌት።

ጠለባት ሳልሳይት ደረጃት ተዕሊም በሀለት ጃምዓት እት ለዐቤ ወዐደድ ደረሳመ እት በዜሕ ሰበት መጽኢ፡ እትሊ ወክድ ጎነ እት 6 ኩልየት በሀለት ኩልየት ሀንደሰት ማይ ነፍሐ፡ ኩልየት ሐርሰ ሐመልማሎ፡ ኩልየት ዕሉም ዓፍየት አሰመረ፡ ኩልየት ዕሉም ወቴክኖሎጂ ማይ-ነፍሐ፡ ወኩልየት ዕሉም እጅትማ፤ ዐዲቁቆሕ ለብእተን ኩልያት ህይ፡ እት ክል ሰነት አላፍ ሰብ ምህነት እት ለአድሕረ፡ ዮመቴ ኤረትሮፕ ዐድነ እብ ሰብ ምህነት ወመቅደረት ረሐ እንዲ ቀድረት፡ አክል-ሕድ እብ ክልኤ እግሪ ካይደት ዲብ ለህሌት አርደት ጣፍሐት እሊ ህሌት።

እሰልፍ እት ናይ ዲግሪ ወዲፕሎማ ስታት እንዲ ረከዘ ሻፍግ ጠለባት መጅተመዕ እግል ልድብእ ወለአትምም ለትሳሰዐ ኩልያት ኤረትሮፕ፡ እትላ መደት-አዜ አሰክ ለትወቀለት ደረጃት ካልኦይ ዲግሪ (ማስተርስ) እት ቀበት ዐድ እብ መቅደረት ናሱ ለአደርሰ ህሌ። እግል ደረጃት ለዓሊት ህይ፡ ዲብ ድወል ካርጅ ለትፈናተ እግል ወጠን ለልአትሐዜ ምህናት እብ ደረጃት ደክቶረ ለአደርሳ።

እሊ ኦብካት ተዕሊም አክለ እት ልርሕብ ወልትወቀል ጌላት፡ መሻረከት አንሳት እት ተዕሊም መትጃግራይት እት ገብእ መጽአት። እት መደት ሕርየት ሐዳት አንሳት ሌጠ ለአሻርክ ለዐለ ተዕሊም ዐድነ፡ እትላ መደት አዜ፡ እት ገሌሁ መዳርሰ ምን ገብእ ወመጃላት ምህነት፡ ዝያድ ዐደድ ውላድ ዓርጋት እንረክበን።

ምን ኩሉ ኢቃሊም ዐድነ እት ጃምዓት ለልኦቲ ደረሳመ እት በዝሐ፡ ኦብካት ረክብ ለይዐለ ከፈፍል መጅተመዕ እት ለዐሬ ወልትዕለም፡ ዮመቴ እት ኤረትሮፕ እብ ሕምቅ ናሱ ለትሰረረተ፡ “በክት ተዕሊም ሐገልኮ” ለልብል መዋዋን ኢሀለ።



ተዕሊም ረክብ ለይዐለየ እት ገብእ፡ እትላ ወክድ ጎነ እት ኩሉ ደረጃት ምህር ሰር ናይለ ደርሶ ለሀለው መዋዋኒን ህተን ጋብኡት ህለዩ።

አሰክ እትዩት ሕርየት ኤረትሮፕ 1991፡ ከደማት መአንብታይ ምህር፡ እት 30 ምእታይት ሌጠ ሕዳድ ዐለ።

ሄራር ምህር ዲብ ኤረትሮፕ፡ ሐቅ ሕርየት ለትብገሰ ጋር ኢኮን። እተ 3 ዑቅድ ለነሰአት መደት ግድለ ሰለሕመ ጀብህት ሸዕብየት ተሕሪር

ለህይብ ዐለ። ምን እሊ አሳሳ ትሩድ ለቀንጸ ቲ፡ እሊ ሐቅ ሕርየት እት ተዕሊም እንርእዩ ለህሌነ ተጠውራት ለመጽኢ። ተዕሊም ክም ታክያት ተጠውር ወዐማር ኤረትሮፕ ለሐሰበት ከአትብገሰት ሕኩመት ኤረትሮፕ፡ ምን መአንብታይት ደረጃት አሰክ ጃምዐት እምበል ድፍዕየት እብ ለሀ መዋዋኒን እት ተአደርሰ አንበተት። እሊ ለገብአቡ ምስምሰ ህይ፡ እት ፍንጌ ራክብ ውላግል ፈርግ እግል



ለታርፍ ዐለ ብሩር ዐድነ ምስል መዳይን ጀላብ እግል ልትመጣወር፡ አምአት መዳርሰ፡ መራክዝ ምህር ወመክተባት ትበኑ።

እብሊ ህይ እት ሰነት 1991፡ እት ኩሉ ወጠን 500 መድረሰት ሌጠ ለዐለየ፡ እቲ ሐልፈየ 35 ሰነት፡ ዲብ ዝያድ 2,300 መድረሰት ትወቀለዩ። እት ምጽአት ሕርየት 340 አልፍ ደረሳይ ሌጠ ክምኩም ለዐለ ወራታት ምህር ዐድነ፡ እትላ መደት ጎነ ዲብ ዝያድ 700 አልፍ ደረሳይ ውቁል ህለ። ምስል እሊ ለገይሰ፡ ደረሳ ምህነት እንዲ ከሰበው ጠለባት ሰናዕት ዐድነ ወአትሐዋየ እግል ለአታዋ እንዲ ትበሀለ፡ ሐጋት፡ ደቀምሐሬ፡ መሓር፡ ነቅፊ ወአሰመረ ለትበኑ መዳርሰ ቴክኒክ እብ አላቲ ሐዲስ ሸቁይ ከለአደርሰ ህለ።

ሐቅ ሕርየት፡ ሕኩመት ኤረትሮፕ ጠለባት ውቁል ተዕሊም ወኩልያት እግል ተአርሕቡ፡ እግል ሐዳም



መትካም ወመትካምካም በዲር ሕርየት አምጸአ ወዮም ውሕደት አተረደ ወሕሳል ዐቦት ዋለ

1ይ ክፍል

መትካም ወመትካምካም በዲር ሕርየት አምጸአ ወዮም ውሕደት አተረደ ወሕሳል ዐቦት ዋለ። እበ ልብል አርእስ መስራል ሸባብ ምዴርየት አፍባብ፣ ሻብ ሙሰ መሐመድ ሰዲድ ለወዳናህ መቃብላት አወላይ ክፈለ ጣብዓም እኩም ህሌነ ከእብ ሕብር ዲብ ጢሾ ቅራኦተ ንትግል።

ሰኣል፡ እብ ሰልፍ እግል ቁርኣት ምሰል ነፍሰከ እግል ተአትአምርም በክት እግል ሀበኩ። ትፈደል?

በሊሱ፡ አወል እሊ በክት እሊ እብ ሂብትኩም እብ ሰሚቹ ወሰሚት መሻቂቹ ወዓመተን እብ ሰሚት መሕበር ወጠን ሸባብ ወደረሰ ኤረትርዮ፣ እግል ሐምደኩም እፈቱ ከዲበ እሊ ሰኣልከኒ እግል እብለሰ። ክመ እሊ እንቤ ሰሚትዬ ሙሰ መሐመድ ሰዲድ እትበህል። እብ ከልፍየቹ ለከሰስ አነ ዲብ ምዴርየት ነቅፈ በቅለ ለትትበህል እዳረት ደዋይክ ዲብ ሰነት 1992 ትወለድኩ፣ ወዕምርዬ ሰነት ድራሰት ክም በጽሐ እት ሰነት 2000 ናይ አወላይት ደረጃት ድራሰቹ አምበትኩ።

ምኑ እንዴ አትሌኮ ናይ ምግባይት ጁንዮር ነቅፈ ምን 6-8 ደረሰኮ ወምን 9-11 ፈሰል ህዩ ጸብረ በህለት ነቅፈ ቱ ለደረሰኩ፣ ወዲብ ሰነት 2021 ዲብ 25 ድፍዐት ህዩ ሳወ ትከፊት ወእባዬ ዲብ ማትሪክ እበ ረኩብክወ ንቅጠት ዲግሪ አምጸአኩ። ሐቅሁ ዲብ ኩልየት ዐዲ ቀይሕ ናይ ሐቱ ሰነት ናይ ሕብር ድራሰ ሐቅለ ነሰኣነ እት ቅሰም አትመቃርሐት ዲብ ኩልየት ሐልሐሌ ኦቴኮ ወእብ ዲግሪ ምን ኩልየት ሐልሐሌ ትከረጅኩ፣ አዜ ክመ እሊ እቤ እብ ሕጭር ለትቤ ናይ ከልፍየት ክእነ ትመሰል።

አዜ ዲብ እሊ ደረጃት እግል ትብጻሕ ምን ሰዴክ ወሚለመሰል መታክል ሳደፊክ ሄራር ተዕለምክ ከአፎ መሰል ዐለ ለትብል ሰኣል ዲብ ምን እበልሱ፣ ፍዕለን ሄራር ተዕለም ሐሳሉ ረዩም ወመትዕብቱ። እግል ትድረሰ መሪር ወለ ኢትከለሰ መሰል ሳኪን ሰብር ወክሃለት ወዳክ ለትትበጻሕ ደረጃት ዶል በጽሕ ህዩ ሰኒ ጥዑም ወግራምቱ፣ ክቡድ ዐለ እግል ኢብል እቀድር። ልክበድመ ደአም፣ አነ ምሉእ ሰዳይት ናይ ዋልዳንዬ ዐለት

እግልዬ፡ ወሀቶም ክልኢቶም ረቢ ልርሐምም ወዓጭምም ዲብ ጀነት ልግባእ፣ አነ እንዴ ደረሰኮ ከመርሐለት እግል እብጻሕ ምን ኢህለት እሊም ናይ ማል ሰዳይት ወእብ ትሉሉይ ዲብ ለአትናይቱኒ እግል እትረሰሁ ለይእቀድር ጋር ቱ፣ ወዋልዳንዬ ሌጠ እንዴ ኢጉብኣ ኩሎም ሐውዬ ዐባዩ ጄራን ወኩሉ ለምጅተመዕ ለአትሳጅዐኒ ዐለ እግል ኢብል እቀድር።

ዝያድ ወእብ ፍንቱይ ፈኩ እግል እትረሳዕ ለይሐዜ ዶክተር ሳሌሕ ቀንደ ዲብ እት ወቅት ካልኣይት ደረጃት እደርሰ እቱ ለዐልት ወቅት፣ ሰዳይት አክትብት ወኣብሸርክ ልብለኒ ዐለ ሰበት እሊ አነ ዲብ እሊ ደረጃት እግል እብጻሕ ኩሎም ለእሎም ሰሚኮ ክምሰልሁመ ዐጂ፣ ሐውዬ፣ መረሰንዬ ወመሳኒቹ እግል ሐምዶም እፈቱ ኩልየት እንዴ አትመምክ ሸቅል እግል ትጽብጥ ቀለል ኢኮን። ክመ እመር ሪም ምድር ህለ፣ እምካንዶት ለእቡ ደርሰ ለአትሐዜክ ወአልሐምድልህ በዐል ሰብር ዕዉት ክመ ልትበህል፣ ምን



አሰበርኮ ወደቅብ ናይ ከሃለት ምን ረኩብኩቱ ለምሰል ሰዳይት ዐጂ ለተዐወትኩ።

ሰኣል፡ ገቢይ መትወዘዎትክ ዲብ መሕበር ወጠን ሸባብ ወደረሰ ኤረትርዮ፣ ከአፎ መሰል ወክዘዎት ሸባብ ከአፎ ትከብትካሁ እግል ትሸራሕ እግልዬ?

በሊሱ፡ ክመ እንዴ አባደርኮ ለእቤል ድራሰት ኩልየት ክም አትመምኮ ዲብ መሕበር ወጠን ሸባብ ወደረሰ ኤረትርዮ ትወዘዐኩ። ዲብ እትሓድ ለትወዘዐኩ ሰብ ህዩ ዲብ ምግባይት ወካልኣይት ዲብ እደርሰ፣ ዲብ ሳወ ወሐሬመ

ዲብ ኩልየት ዶል መጽአት ለሸቅል እትሓድ ዝያድ ሻረት ዲብ። ዲብ ሕመረት፣ ቀይሕት ዕንቦብ ወሐርመ ክም ካድር ወሀይኣ እዳርዮ እምበል ሕላሌ እነሸጥ ሰበት ዐልኩ፣ እሊ ዲብ እብል ምን አግደ አንፋር ተንዚም ሰበት ዐልኩ ወክም አደምዕ እቱ ሰበት ተአመርኮ ዲብ ትወዘዐኩ።

እግል አወል መረት ዲብ ኩልየት ዐዲ ቀይሕ ወሐቆ 4 ሰነት ህዩ ክም መስራል ሸባብ ዲብ ኩልየት ሐመልማሎ ትወዘዎኩ ወዲብ እላመ ሰነት ወሰር ሐቆ ወዴኮ ወምን ሰነት 2023 ዲብ ምዴርየት አፍባብ ክም መስራል ሸባብ እንዴ ገአኮ እሸቁ ህሌኮ ወዲብ ምግብ እሊመ ክም መደርሰ ሳወ እንዴ ገሰኮ ክም መደርሰ ሰዳሰት እንዴ ገአኮ አደርሰ ዐልኩ።

ዲብ ትፈናተ መአሰሳት፣ ውዛራት፣ እዳራት ወጀብህት እንዴ ደርሰው እብ ዋጅብ ዲብ ክድመት ናይ እሊ ወጠን እንዴ ተዐንደቀው ፍራራም ለህለው ሸባብ እሊ ገቢል ወሕኩመት ኤረትርዮ ቶም። ለዲብ እሊ ደረጃት ለአብጻሕየም ወእብ



መጅብ እሊ ለእሉ ረኩብነ ተዕለም ለዳፍዓሙ ዲብ ሕነ ዐውል ምን ቅያሰ ወለዐል ሐድቱ። ሰበት እሊ፣ እግል እሊ መርሐለት ለአብጻሕነ ገቢልነ ወሕኩመትነ ፈኩ እንዴ ኢንትረሰዕ እበ ትቀደረተነ እግል ንክደሙ ክም ብነ እብለ መናሰበት አትፋቅድ።

ሰኣል፡ ኮይሰ ሙሰ መሐመድሰዲድ መሕበር ወጠን ሸባብ ወደረሰ ኤረትርዮ፣ ምን ዕምር ከም ለህለ ሻብቱ ለዲብ ሐን ዕዛል መሕበር እንዴ ትንዘመ ለልትካምኩም?

በሊሱ፡ ምን ዕምር 14 አሰክ

40 ሰነት ለህለ ሻብ ዲብ ተንዚም መሕበርቱ ለልትንዘም፣ ወእሊ እግል ኤረትሪ ሻብ ወሻብት እምበል ፈናታይ ጅንሰ ተብዐት ወአንሰ እንዴ ይእንብል ወጠንዮቶም፣ ሰዳሰቶም፣ እጅትማዕዮቶም ወውሕደቶም ለለአደቅብ መሕበር ሸባብ ዲብ ልትካምኩም። አዜ ክመ ልትበህል መሕበር ወጠን ሸባብ ወደረሰ ኤረትርዮ ክመ ሰሚቱ ለትሸረሐ፣ ዲብ ሸባብ ወደረሰ እንዴ ረከዛቱ ለሸቁ። ደረሰ ለእንብሎም ዲብ ንዘም ተዕለም ለህለው ደረሳቶም ወሀቶም ምን ሳድስ (6) አሰክ ዐሰር ሐቱ (11) ፈሰል ለህለው ክሎም ዲብ ፋይሕ ተንዚም ናይ መሕበር ቶም ለልትረክቦ። ዐደዶም ህዩ ምን ሰነት ዲብ ሰነት ዶል ዘይድ ወዶልመ ነቅሰ ወዓመተን ምን ልትረኤ ምን ሰነት ዲብ ሰነት ዲብ ወሰክ መጽእ ህለ እግል ኢብል እቀድር።

እግል መሰል ዲብ ሐልፈየ ክልኤ ሰነት 2023/2024 ዐደድ ናይ እሎም ደረሰ ናይ ምግባይት ወካልኣይት ደረጃት 4000 ዐለ፣ ዲብ እሊ ወቅት አዜ አሰክ 4900 ደረሳይ ዲብ ፋይሕ ተንዚም ህለው እግልነ። ዲብ ጨቢብ አዜ አግደ ተንዚም እንብሉ ለህሌነ ምን እንረኤመ ምለዐል 400 ደረሳይ ገቢኣ፣ እሎም ሳኪን ገሌ ምኖም ሳወ ጌሰ ወገሌሆመ ዲብ ኩለን መዳርሰ ፈንዶት ዐድነ እግል ልድረሶ ጌሰው ወገሌ ምኖም ህዩ እብ ሓለት መንበረት ዲብ ብዕድ መዳርሰ ለትቀየረውመ ህለው፣ ክመ እሊ እቤ ለዐደድ ዶል ነቅሰ ወዶልመ ወሰክ ከእብሊ ሰብ እሊቱ ዲብ አግደ ተንዚም ለህለው ሸባብ ዲብ እሊ ወቅት እሊ ነቅሰ ህለ ሳኪን ወለ ምን ነቅሰመ ምለዐል 300 ደረሳይ ዲብ ጨቢብ መትካም ህለው እግልነ።

አዜ ለካልኣይ እትጃህ ናይላ ሸባብ፣ ሸቃለ ሕኩመት ህለው ወመትካምኩም ሰኒ ፈዳብቱ፣ ወዐደዶም ህዩ ቅያሰ 571 ሸባብ ሸቃለ ሕኩመት ዲብ ከርሰ ምዴርየት አፍባብት ህለው እግልነ፣ ወለ በዝሐ ምኖም አንፋር ውዛረት ተዕለም ቶም። እምበል እሊመ ሻብ ለልትበህል ደረሳይ ወዓምል ሕኩመት ወፈቀጥ ኢኮነ፣ ዲብ እዳራት ደዋይክ ለነብር ሸባብ ህለው፣ ሰብ ንዋይ መናበረቶም ዲብ ሐርሰ ወርዕዮ ለረከዘት



ሻብ፡ ሙሰ መሐመድ ሰዲድ

ሸባብመ ብነ። አዋልድ አንሳት ሰብ ዕዳል ህለዮ፣ አዜ እሎም ዲብ ተንዚም እዳራት ደዋይክ ለህለው ሸባብ ለቅያሶም እሊቱ እግል ኢብል ይእቀድር፣ እግልሚ፣ ተንዚም ሐዲሰ ሰበት ገብኣ።

ዲብ ገቢይ ጽብጠቱ ህዩ፣ ዲብ እዳራት ቅላመት፣ ፈልክት ወክብክብ ህይኣት እዳርዮ ብነ ወእብ ራትዐት ገቢይ ተንዚም እግል ንጽብጡ አማም ህሌነ፣ ወዲብ ከረ ቃምጩ ወለ መሰሉመ ንትግብሰ ህሌነ። አዜ ለናይነ ተንዚም እብ ሕጭር ለትቤ ገቢይ ክእነ መሰል ወዝያድ እግል ልትወደሕ ህዩ፣ መሕበር ተንዚሙ ዲብ ክልኤ ከፍሉ ጨቢብ ወፋይሕ ተንዚም ልትበህል ወእሊ እግል ሸባብ ኩሉ ድራሳት ወተንዚማት እግል ለሀብ ሰበት ኢቀድር፣ ምን ሸባብ እንዴ ሐረ እግል ፍንቱያም ሸባብ ፍንቱት ድራሰት ለህይብ፣ ወእንዴ ሐራመ ሚርሐት ወዴ፣ እግልሚ መሕበር መፍርያይት መአሰስት ናይ ቅድረት ወድ አዳም ናይ ሐቱ ወጠንቱ ወእሊ እግል ተአፍሬ ማልየት ወቅድረት ወድ አዳም ለአትሐዜ።

ከሰበት እሊቱ ለአውለውየት እግል እመራም ወመሰል ሰኔት ለገአው ሸባብ ዲብ አግደ ተንዚም መሕበር ለትንዘም ወተአፈሬ አዜ እግል ትትአመር ለቡ ኩሉ ሚርሓይ ኢጉበእኒ፣ እብ ገቢይ ህይኣት እዳርየት ምን ቀብቶም ለመርሐምም ሸባን ነሐሬ እሎም፣ ወሀቶም ህዩ ነፍዑነ ወመርሐነ እንዴ ብላው ለልሰእምም ሰበት ቶም፣ ሐሬመ ህቶም ለተሀየበው አማነት እንዴ ሐጠጠው ዲብ ትወቀለት ደረጃት ክም በጽሕ ወዴ።

ተአተላሌ



ምርወት ሚ ተ?

ምርወት ለትብል ከሊመት፡ እት መጅተመዕ ትግሬ አካን ውቅል ወቂመት ለበ ከሊመት እብ ሚዛና ተ። “ፍላጎይ በዐል ምርወት ተ። እሊ ዲ ምርወት አለቡ?” እት ልትብህል ሳምዓም እንገብእ። “ምርወት” ለልቡለ ከሊመት፡ አሰለ ምን ህግዩ ዐረብ እት ገብእ። “መሩእ” ምን ትብል ከሊመት አው “ሰብእነት” ምን ትብል ከሊመት ትትወለድ። ሰበቡ ህይ። ‘መርኡ’ ለትብል ከሊመት ዐረብ፡ እምበል ፈናታይ አሰል አንሰ ወተብወት፡ ‘አዳም’ በህለት ሰበት ተ።

ሰብእነት በህለት ህይ። እግል ወድ ሰብ አው ወድ አዳም እግል ልግበእ ለወጅቡ ውዳይ ሰን በህለት ተ። ፍላን ምርወት አለቡ ዶል ልትብህል፡ እንሳንዩት አውመ ሰብእነት ለአለቡ እንብሉ ክም ህሌነ ሳል ከሪ ለአትሐዜ። ፍክሩ ሐዋን ላቱ ነፈር። ሰኒ እንዴ አዳወረ ለአብልሰ አው ከዋወት ለአክሰእ በዐል አሲመ ዶል እንርእዩ። “ፍሌናይ ምርወት አለቡ” እንብሉ።

መሰለን፡ ምርት ነፈር ሓዋር ቱ ኒበል። ለሐጠር ምርት ምን ወድ አዳም እግል ለአርእዩ ለቡ ጠባዬዕ ሰኒ ቱ ለልትሐሰብ። ለጽጎት ሐቲ ምን ወድ አዳም ለልትፈቱ እበ ዕላመት ዐዋዲ ሰኒ ተ። ረሕመትመ ወድ አዳም ለትአፈቱ ውዳይ ሰን ተ።

ምርወት፡ እንሳንዩት፡ ሰብእነት፡ ወድ አዳም እግል ብዕዳም ወእግል ፋል ኖሱ ምን እግል ሊደዩ ወልተብዕ ለህለ እሉ ጠባዬዕ ሰኒ ሐቆመ ገብእት፡ እብ ምርወትን ደለ ሰኔት ወእግል ኩሎም ውላድ አዳም ለትአትሐዜ ሓጅት እተ ዶል ንትከሰእ። “ፍላጎይ በዐል ምርወት ተ!” ዲብ ንትብህል እብ ሰኔት እግል ንትከር ተ።

ሰበት እሊ፡ ደለ ውጅህት ሓጅት ወእግል እንሳንዩት ለእንወድዩ ወንትፈረር ዲበ ገብእት ምን ገብእ። ምርወትን ለትትቀየስ እተ መናሰበት ክም ተ እንዴ አመር። “ምርወት አለቡ” ምን ትብል አከይ ስምዐት እግል ንትነጅ። ደለ ምን ለትትሐዜ ወለትትሰኤ እግል ነአውቁ። ለልአምረነ ወለአለአምረነ ኩሉ እብ ደለ ሰኔት ወመሰለሐት ሕበር ዶል እንቀርቡ። ክምሰልሁም ምን ህለ እተ ወርጠት እንዴ ትጸገምን ሐል ዶል ነአመጽእ እሊ። እበ ምርወትን ፋል ወዜነት ሰኔት እግል ንርከብ ተ።

ከምርወት፡ እንሳንዩት፡ ሰብእነት፡ ወድ አዳም ለልሐዘዩ፡

ለፈትዩ ወለልሰእዩ ምንነ ሐቆመ ገብእት፡ ምን ይእንወዕል ዲበ አከይ ፋል፡ ወምን እንወዕለ ህይ እብ ዜነትን ወሰሚትን ለቅዲት እግል ንንበር ሰበት ተ። እት ክል ወቀይነ ወክሱሰን ጀለ ብዕዳም ለእነሰአ ከዋወት ምርወታም እግል ንግበእ ለአትሐዜ።

ምን ሕላይ ቀዳም ያም

ምን ዲብ ሰነት 1913 ለጠበዐ ክታብ ሐይለት ትግራይት፡ ምን ሐልዩት ዐድ-ትማርያም ላቱ ሰልማን ወድ መስመር እግል ከንቴባይ ሐሰን ወድ መሐመድ ሹም ዐሰሰ እት ለሐምድ ለቤለዩ ሕላዩት ክእነ ትብል፡-

ጭሩም ወልድ ሚ ኢዐለ ሰልሐ ምን እንታቱ ምን ትትሃጌ ንሳሉ ወምንዲ ትገንሕ ዕንታቱ ለእቡ ገኔሕ መናዘር፡ ለእቡ ቀትል አሰማቱ ለእቡ ቀትል መልከፍ ቱ ለእቡ ዳዌ ሸፋ ተ።

አግልሚ ገመል እምለክ ዐቲግ እብለ ሰርዋቱ እት ጎረት በሉሶ እግል ልንከሸ ሰጋዱ ወእግልሚ ባቡር እምለክ ለተናፍሰ ባቡቱ ወእግልሚ መርከብ እምለክ ዕጫይ ግምሽ ሸና ተ። ወእግልሚ ሐዩት እምለክ ወልሀ ዲብለ ሳሳቱ

ለሀይመ ተዐክ ላክፎ እንዶ ነሰእ እያዱ ወእት ሚ ሐርማዝ እምብለክ ለሀንጠዋዋል ነግዋቱ ወእግልሚ ፈረሰ እምለክ ለትዋግረ ምክላቱ ዐንሰባታት እምለክ ተለክ ቤለ ሸውያቱ ተንከር ዓይር እምለክ ሸለክ ልብል መሓዛቱ

ባርከ ረከ እምለክ እምቡሽ አቲ ምን ጋሹ ትክዐሌ ወዐነት እቡ ዐብብ ውላዱ ወሐጡ መጽአ ወቀራጣጡ አገድሩ መጽአ ወለቃቆታቱ አዚሙ ፈቱ ወለ አትማሻሹ

እንግሊዝ ወፈረንሳሰ አድሀይ ነሰእ ሃባቱ እት ምዕዋን ፈርሰሁም ምልእት እንተ ኔዋቱ ወእት አፍያት ፈርሀም እንዶ ደፍን እሳቱ እት ድጌ ፈርሀም እትቆታት ለቅዱድ ትንፋሱ ነጋፍ አንገቡ ሕሰሐሱ ሰጋዱ

እሱር ላቱ ጠልቆ ፋግር እት እንቱ ሓባቱ እግል ጀበረት መጽአኮ ሓይላይ ፍሩግቱ ልባሱ እግል ገመል መጽአኮ ሚ ቱ አድግ ዋራጡ እለ ክም ሐለዩ አክለ መጽአ አግሩሽ ህይቡ ዐለ።



ጀለ ሕርየት

ረዩም ሄረርነ እግል - ዘበን እብ ዘበኩ ካዩድናሁ ለሀይም - እብ አሸዋኩ ወእበኩ ጽምእ ከሀልነ ወሰፍረ - አምዲት ልሸህድ ለጋኑ ምን ልትረሰቡ ስሙም ጋዝ - ለትነሸዐነ ተናኑ ወምን ልትረሰቡ ለብርድ - ለገርብ ካርፍ እብ አካኑ ወምን ልትረሰቡ ለትርሃን - ምስል ቀጹ ወክታት።

ሕነ ጀለ ሕርየት - ሕፍን ከሀልነ ወመራር መቅጠን ዕሩቅ ዲብ እንቱ - ጽምእ ከሀልነ ወክእር እግር ትጊት ዲብ እንተ - ወእት ልጋደእ ለአጭፋር ሓለፍናሁ መሻዊት - ልሸህድ ክተፍ ወአሰራር።

በጽሕ ገብእ ሰድቀተ - ሽምብሬብመ እብ አነነ ጽልመት እግል ትትገልጸጽ - ወሸመት ለናይ ወድጋነ ክሉ ሕበር ናደለ - መልዓት አዳግ ወእንሳነ ብርድ ላሊ ከሀልነ - ወትርሃን እት ረአሰ ክዋነ።

ጀለ ሕርየት ወአማነት - ለሀይ ከሀይ ምን ትፋነ ወሸሂድ ቤዘ ምን ገብእ - ለአርደት በዐል አማነ እበ ረሄት ሰድትን - ከዐድነ ረአነ ብርሃነ።

እት ጀላበ አዜመ - ሕነ ሐቲ ይእንጠምዕ ዲበ ለመጸአነ - ነዳይቱ ነአደምዕ አትትሰውሴ ሕርየት - ምን አድማይናቱ ትለምዕ

ሰደደተ ንዕቀብ - አተምቱመ ምን ጀፈር እግል ዐቦት ወዴቅቤት - አንትሀኬ ምን ሰፈር ሕርየትተ ጀላልነ - ንዕቀብ እብ ሕበር።

ሕርየት


ኖር ወበርህተ - ምስለ ትዋዕም መንበረት ህተ ምን ገብእት - ነፍሰ እግል ትሰፍለለት እግል ሓዚህ ከሀልነ - ሰፈር ረዩም እብ ታውረት ሰኒን አንጎጌነ እለ - ዲብ ቀላቅል ወአውለት።

ምን ተዐንደቅነ እብ ኤማን - ወአሰቡር ምን ተዐዴነ ምን ተሓበርነ እብ ውሕደት - ወሕድ ምን ሰዴነ ጽምእ ወአፈ ምን ከሀልነ - ወምን ዋራት እዴነ ረኩብናህ ኬር ዋሌት - ወሀበት ለእግል ሰኤነ ዓደርናህ ምን ከደን - መርባት እንዴ ትፈዳነ።

እግል እግል ንርከብ - ዳግም ሀብነ ውብክር ንኡሽ ሀብነ ወዐቢ - አሰክ ዓልም በዐል ፍክር ሓሰድ እግል አልግነሐ - ትከለልናህ እብ ክል እንክር እንበኔ እተ ወነዐምር - እት እንግሚ ወእንመክር እንበልዕ እተ ወእንሰቱ - ረቢ ነሐምድ ወእንሸክር ሰነት። ሰነት ነዐይደ - ነሐሌ እበ ወእንሸክር ነአትጋርመ ኬዘራን - ወአባዩ እንመንክል።

ሕርየት አለቡ - እንዴ በልዐ አጸግብ ወሓግል ሕርየት - ክም ምራዱ አረክብ ሰኒን ልግሄ እት ለዐቅብ - ወእንዴ ተዐበ አሰክብ ላኪን ለአተሐለለ - ወክምሰሌነ ለናድል ሕርየቱ ላብድተ - ሐቆ ሰብተ እት መባዋር።

እት ሕርየት ለነብር - ለአምር ወልትዐለም ወሕርየት አለቡ - ልግሄ ወልዘለም ምን ሰናቱ ልትክረም - ወምን ሰኔት ልትሐረም ገብር ዲብ እንቱ ነብር - ወሐቆ ልትገለም ላኪን እነ ለመሰል - ወለ አባሌ እብ ፈርሀት ሕርየቱ ለአከደ - ወሰኒ ነብር እት በርሀት።



ምግብ፣ ጅግረ ዐጃላት ካስ ሕርዮት ገብአ

ለክል ሰነት ገብአ ናይ ካስ ሕርዮት ጅግረ ዐጃላት አቅሊም ምግብ፣ ለሐልፊት ሰንበት ዐባይ 10 ማዮ እት ባካት መድረሰት ጃልዮ አወላይት መርሐለቱ ወደ።

እሊት ጅግረ እግል አዋልድ፡ 70 ኪሎምትር መሳፊት ዱሊት እለን ዐለት። መትባድራይት ናዲ ደንደን ኤልዳና ተክሌማርያም እት አክር እበ ለነስኦት ማምብዮ፡ እግል ነፈር ናዲ አራግ ብርክቲ ፍሰሃዬ እንዴ በድረት፡ አወላይት አቲት። እለን መትባድራይት እት ሳዐት 35.1 ኪሎምትር እት ከይዳ ቱ፡ ለጅግረ እብ 1ሳዐት፡ 58 ደቂቀት ወ29 ካልኢት ለአትመመያሁ።

ሮምና ግዑብ ምን ናዲ ደንደን፡ ሲደን ሀብቱም ምን ናዲ ሰራይር ሳዋ፡ አድያም ዳዊት ምን ናዲ ደንደን ወአርሴማ ዐንደጸን ምን ናዲ አራግ ሆይ፡ አስክ ሳድስ ተርቲብ ደርብ-ሕድ አተዮ።

ዕልላም 140 ለገብአ ናይ ዐባይ ወምንተሐት 23 ሰነት መትጃግረት ሆይ፡ 110 ኪሎምትር እት ትባደረው። እትሊ ዐባይ



መጅሙዐት ለትወሐጠት እቲ ወመጃማዕ ብዙሕ ለትክለቀ ዲቡ ጅግረ፡ ፋንኤል ሰለሙን ምን አስቤኩ፡ ኤስሮም እስቲፋኖስ ምን ሰንበል፡ ክምሰልሁመ ኤፍሬም ዘርእጋብር ምን ደንደን፡ እግል 45 ደቂቀት መርሐ ውዕላም፡ ትልህዮ እግል ትትመም ሐቲ ዱረት ክም ተርፈተ፡ ለመጅሙዐት ዐባይ ዐሬት እሶም።

እለ መጅሙዐት ዐባይ እብ ክምኩም

እት ወዴተ ድንኪክ ጅግረ፡ እት ናይ ካቲመ ዱር አቅሊም ምግብ እብ መትባድራይ ፈሪቅ ጀዐጃላት ግብላት ሮቤል ሀብቲማርያም እብ ጸቢብ ቅሉብ ለዐለ ናይ ናዲ ሰንበል ናኦድ በረኸት፡ እትላ መርሐለትመ ምስል ሮቤል ዱቅሪ እንዴ ትዋጅህ እብ ጸቢብ እንዴ ቀልበዩ አወላይ ዔረ ከተረቲ ትፈደ።

ዮሴፍ አለም ምን አስቤኩ፡ ማካኤል ዳኒኤል፡ ናታን ተሰፋአለም

ወንፍታሌም ኤፍሬም ሰልሲቶም ምን ናዲ ደንደን ሆይ፡ ምን ካልኢይ አስክ ሳድሳይ ለሀለ ደረጃት እቲ ትሰርሰረው። መተልህዮት እሊ ዲቪዥዮን፡ እት ሳዐት 44 ኪሎምትር እት ልትፊተቶ፡ ለጅግረ እብ 2 ሳዐት፡ 29 ደቂቀት ወ53 ካልኢት አትመመው።

አሰባሕ ሸክል (ዩዝ) ውላድመ ዲብ 60 ኪሎምትር ቡዱራም ዐለው። መትባድራይ ሲደን ከሰቲ

ምን ፈሪቅ አድማስ ሆይ፡ እት ሳዐት 42.4 ኪሎምትር እት ከይድ እብ 1 ሳዐት፡ 24 ደቂቀት ወ56 ካልኢት ተዐወተ ዲቡ።

ሄኖስ ተክኤ ምን ትጽቢት፡ ሴም ሀይሌ ምን ሳሊና፡ ሳምሶን ክፍላይ ምን ትጽቢት፡ ዮናዳኦብ ማክኤል ምን አይ.ቤ.ኤን ወእሰይ ወልዱ ምን ትጽቢት ምን 2ይ አስክ ሰሳይ አተው።

ምግባያም ጁንደር 70 ኪሎምትር ዲብ እት ልትጃገር፡ ዳይሞን ሰለሙን ምን ናዲ አስቤኩ እት ሳዐት 43.6 ኪሎምትር እት ሰውግ፡ አወላይ አተ። ናትናኤል መርሃዊ ምን ትጽቢት፡ ሄኖስ የማኔ ምን ገዛ-ባንዳ፡ እብ ብሕቶቲ ለትጃገረ ናኤብ ሙሴ፡ አሌክሳንደር ግርማይ ምን ትጽቢት፡ ኤስሮም ማክኤል - ምን ናዲ ኤራቴል፡ ደርቡ አስክ ሳድስ ተርቲብ ለጸብጠው መትጃግረት ዐለው።

እሊ ጅግረ ለትመጽእ ሰንበት 17 ማዮ እት ባካት ከኒሰት ማርያም ዲብ ሀለ ሸዋሬዕ ናይ ካቲመት መርሐለት እት እግል ልትጃገር ክም ቱ እመር ሀለ።

ፈታ ሊግ ዐንሰብ፣ ፍረቅ አልነሰር ወዐንሰብ ክልክልኡ ንቁጥ-ከሰባ

ሊግ ዐንሰብ እትላ ለሐልፊተነ ሳምን እት ስታድዮም ከረን ዲብ ወደዩ ጅግራሁ፡ ነዋዲ ኮበሪት እግር አልነሰር ወዐንሰብ ክልክልኡ ንቁጥ ከሰረው።

ሰንበት ንኢሽ እሰልፍ ፈሪቅ ሕውነት ምስል እት ሳልሳይት ደረጃት ለሀለ አልህላል ተልህ። ሰልፋያት 45 ደቂቀት እምበል ጎል ዲብ ፈግሮ፡ አልህላል እት 2ይ ሾት ሐለቱ እንዴ አደቀበ ደርብ አድሕድ እት 63፡ 73 ወ 81 ደቂቀት ክልኡት ጎል እብ ረዳኡ ወልደሚካኤል ወእር ጎል እብ ማክኤል መሐሪ አተ።

ሕውነትመ ዲብ አክር ደጋይግ እበ አርአው ትልህዮ ሕፍን ክልኡት ጎል አስር-ሕድ ምንመ አምጽአው፡ ወክድ ሰበት ኢሰደዮም ለትልህዮ

3-2 ፈሪቅ አልህላል ተዐወተ ዲቡ። ረደኢ ወልደሚካኤል ሆይ ለሐሰ መተልህዮይላ ምሴት ነሰኢ።

ሚርሓይ ሊግ ዐንሰብ ለሀለ አልነሰር፡ ምስል ለሳሌ እት ወደዮ ትልህዮ ሆይ፡ ምን ጀርቤታት ለትሐልፍ ፍገሪት ኢትረኤት ወጎል ኢትረከቡ። ወእብሊ አልነሰር፡ ክልኤ ንቅጠት ሰበት ከሰረ፡ እግለ ደርቦም ትልህዮ ለዐለት እሊ ፈሪቅ ዐንሰብ ለልክሰብ ቴለል ትፈተሐ።

ሰንበት ዐባይ እሰልፍ ፍረቅ ደንደን ወጋሽ ትዋጅሁው። ክልኢቱ ፍረቅ ትልህዮ ሰኔት እት ለአርኤ፡ ጋሽ ዲብ አክራያት ደቃይቅ አወላይ ሾት እብ ሲራክ ሰለሙን ጎል ሰበት ትብከረው። 1-0 እግል ዕርፍ እብ ሚርሓይት ፈግረው።

እት ካልኢይ ሾት መትካሙ



ለአደቀበ ከአተ ፈሪቅ ደንደን እብ መተልህዮም ተመሰገን ሀብትዝጊ ክልኡት ጎል ሕፋናም ሰበት አተ፡ ምን ግረ እንዴ ትብገሰ 2-1 ተዐወተ። ተመሰገን ሀብትዝጊ ሆይ ለሐሰ መተልህዮይ ነሰኢ።

ትልህዮ ፍረቅ ዐንሰብ ወእሳሕል እት ነፍሰ ሰንበት ዐባይ ዐለ። ዐንሰብ

ከሳር አልነሰር ርኢ ሰበት ዐለ፡ እግል ልትዐወት ንሁፍ እት እንቲ አተ። ምናተ አሳሕል ቱ ዲብ 3ይት ደቂቀት እብ መሐመድ ሓምድ ጎል ሚርሓይት ለረክቡ። ዐንሰብ ድንገጽ ዲብ እንቲ ጎሉ እግል ልትፈዳ ሕንጉል ቤል፡ ሳኪን ትልህዮ አወላይ ሾት 1-0 እብ ሚርሓይት አሳሕል

አስክ ዕርፍ አሰረረት። ዐንሰብ፡ ሐቅ ዕርፍ እግል ለዓድል ጸገም ትፋድ እቲ ትጸመደ፡ ወእንዴ ትሰሰረ ሆይ፡ ጎል ግራም እብ አይመን ጣህር አተ። ትልህዮ ሆይ 1-1 ተመት። ዐንሰብ እትላ ትልህዮ ዕውት ምን ለዐለ፡ ምስል አልነሰር ለዐለ እሊ ፈርግ ዲብ ሐቲ ንቅጠት ወአጽበቡ ዐለ።

ሓርሰ አሳሕል ዐብዱ ህያቡ እበ እሊ አፍሽላ ጀርቤታት-ክወር ብዙሕ፡ ለሐሰ መተልህዮይ ናይላ ትልህዮ ነሰኢ።

እት ድንኪክ ድቅበት አቲ ለሀለ ፍረቅ ሊግ ዐንሰብ፡ ለትመጽእ ሳምንመ እግል ለአተላሌ ክም ቱ ምን ፈደሬሽን ኮበሪት እግር አቅሊም ዐንሰብ ለትረክበት ሐብሬ ተአፍህም።

ሄኖክ ደረጃቱ ወቅል

ኤርትራ መትባድራይ ዐጃላት ናዲ አስታና - ሄኖክ ምሉእ-ብርሃን፡ ማሌ-ለሀ እት 2ይት መርሐለት ዱር አዘርባጃን ሳብዓይ ዔረ።

እለ 193.3 ኪሎምትር መሳፊት ለዐለት ዲብ መርሐለት፡ ወድ ፈሪቅ እግል ሄኖክ ዬቭኒኒ ፈደሮሽ እብ 4 ሳዐት፡ 41 ደቂቀት ወ38 ካልኢት ተዐወተ እተ። እትላ ዐውቲ ተረት ዛይደት ለተልሀ ሄኖክ ሆይ፡ ሴዕ ካልኢት እንዴ ደንገራ ቱ 7ይ ለመጽአ።

ፈደሮሽ፡ እብ 8 ሳዐት፡ 11 ደቂቀት ወ30 ካልኢት ፍሌንዮት ህርድዮት ናስኢ ሀለ። ሄኖክ ሆይ፡ እብ 14 ካልኢት ሌጠ እንዴ ደንገረ ምኑ ምን 83ይ፡ ዲብ ሳልሳይት ደረጃት ግርግ ሀለ።

ናይ ሾላተ ፍሌንዮትመ፡ እብ 38 ንቅጠት ፈደሮሽ ላብሰ ሀለ። ሄኖክ፡ እብ 22 ንቅጠት እት ሳብዓይ ተርቲብ ሀለ።



በርሰሎን፣ ቫምፕዮን ፍረቅ ሳሊግ ገብአ

ናይ ስፕይን ናዲ ኮበሪት እግር በርሰሎን፡ ሰንበት ዐባይ እት ትልህዮ 'ኤል-ክላሲኮ'፡ እግለ አግደ መትጃግራዩ ርያል ማድሪድ እንዴ አጅገሐ፡ 2-0 ሰበት ቀልቡ፡ ቫምፕዮን ላሊግ ናይ እሊ ምውሰም ገብአ።

ማርኩሰ ራቭፎርድ፡ እት ታሰዓይት ደቂቀት እበ አተዩ ጎል ለትረበሽት ሸበኩት ርያል ማድሪድ፡ ፌራን ቶሬሰመ፡ እት 18ይት ደቂቀት እብ መትከባባት ሰኔ ለመጽአት ኩረት እት ጎል ሰበት በደለዮ፡ እብ ዐውቲ አብሀዘ። በርሰሎን ሆይ፡ ላሊግ እግል ልትመም ልሰዕ ሰለሰ ትልህዮ ዲብ ሀለዮ ምኑ፡ ምን 35 ጅግረ 91 ጎል እንዴ ጀምዑ፡ ቫምፕዮን እሊ



ምውሰም ገብአ። ፈሪቅ ርያል-ማድሪድ ሆይ፡ ደርቡ እብ 77 ንቅጠት ተልዩ ሀለ።

በርሰሎን፡ ቫምፕዮን ላሊግ ነሰኢ ለሀለ እግል 29ይት ኢነቱ ቱ።

እብ ፈዳብያም መተልህዮት ምሉእ ለሀለ ርያል ማድሪድ፡ ክልኡት ምውሰም ደርብ አድሕድ እንዴ ትቀለቡ፡ እምበል ካስ ለአተምም ሀለ።

” ኢረኩብ ዐድል ዲብ ክል ኣካን ወፈርህት ዐድል ዲብ ኩሉ ”

ዲብ ኣሌላት ሕርየት፡ ከም ኤራትሪያን ዝክርያትን ብዙሕ ቲ። ሰርነ ዲብ እት ግድለ ለትደፍዐ ዐውል ወተጃርብ ናሰኑ፡ ነኣትዎይን፡ ሰርነ መደት እዳራት ክፍለ ወኣጃንዳት መትፈንግር፡ ሰርነ፡ ለግድለ ሰላሕ ለወልደ ምን ዐድል ቦረ ላቲ ቀራር ፈደሬሽን ወእስትዕማር ኣቶብዩ እግል ንትፋቀድ ንትቀሰብ።

ምን ክሉ ለዝክርያት ለዐበ ህዩ ለኤራትሪያ ከም ደውለት ምን ከራጠት ዓለም እግል ልክክክ ለትቀረረ ፈደሬሽን ለኣትፋቀድ። ሐቕ ካቲመ ካልኣይ ሐርብ ዓለም ለምን ሐርብ እንዴ ትወለደት፡ ሕርየት ወእስትቅላል ሽዑብ እግል ትኣሰብት ወትዕቀብ ለቀመት እድንያይት መኣሰሰት፡ መዝመት መጅልስ ቅራን፡ ሐቕ ተቅሪር መሲር ከም ኣግደ ምሃመ እንዴ ነሰኣት እግል ትኩደም እቲ ሰበት ቀረረት፡ ወራታተ ኣምንበተት።

እብሊ ኣግቡይ እሊ ከም ትገይሰ ለወደዩ ኣግደ ኣሰባብ፡ ዲብ ሐን እስትዕማር ድወል ኣርብ ለዐለዩ ድወል ዓለም ገሌ እብ ግድለ ሰላሕ፡ ገሌ እብ ምራድ ናይላ እስትዕሙራትን ለዐለዩ ድወል ዓለም ምሰል ሓለተን እብ ገይሰ ኣግቡይ፡ ቀድየት ሐቕ ተቅሪር መሲር ገባይል ኣግደ ኣርእስ ናይላ ቀድየት ምን ገብኣት። ምናተ መዝመት ምጅልስ ቅራን ዲብ መትጃጋግ እግል ሐቕ ተቅሪር መሲር ሽዑብ ለለኣገንድል ወቀይ ወዴት እግል ትትበህል ኢልትቀድር።

እት ገሌ ጋራት ህዩ ለእግሉ ተኣሰሰት መባድእ ምሰሉ ለኢገይሰ ቀራር ዲብ ትሓልፍ ትርኢት። ሐቲ ዐባይ መሰል ናይ እሊ ዲብ ሽዑብ ኤራትሪያ ለጀሬት ከደት ሐቕ ተቅሪር መሲር ቲ። ለምን ጸባብሓመ ምን ገበዩ ለሽክፊት መዝመት፡ እብ ደላለት ዲፕሎማሲያት ወጨቅዎ ድወል ድቁባት እንዴ ትደረከት፡ ቀድየት ሐቕ ተቅሪር መሲር ሽዑብ ኤራትሪያ ከም ኣህምየት ለኣለቡ ወሕሰር ዐድል መዝመት መጅልስ ቅራን ኢሊሐዘ ጋር እንዴ ተዐለቡ ሕቁቁ እንዴ ተሐረመ፡ ለመዝመት ቀድየት ሐቕ ተቅሪር መሲር ሽዑብ ኤራትሪያ፡ ከም ሸክወት ሽዑብ ሐድ ለነሰኣት ትመሰል። ኣምንተ፡ ምራድ ሽዑብ ኤራትሪያ እግል ልሰበት እንዴ ትበህሉ፡ ሐቲ ናይ ቤሐሰ መሬወደየት እሰስት ዐለት፡ ምናተ ህደፈ፡ ዲብ እግል ልትቀረር ለትኤተን ዎይዲባት ዝልም ገበይ ለልህይብ ፊናታት

እንዴ ሓለፊት ከብቲ ናይላ ቀራር ኣከደት ቲ ለዐለ። እሊ ሐቕ ካቲመ ካልኣይ ሐርብ ዓለም ለጀረ ሸቅል ዝልም፡ ምሰለ ዮም ዲብ ክሉ ክፋላት ዓልምን እብ ዓመት፡ ዲብ ምግባይ ምፍጋር ጽሓይ ህዩ እብ ፍንቲት ሱዳፍ ለሀላ እድንያይ ሸክል ለቡ መሻክል ወኣግቡይ ጽብጠቱ ምን እንገንሕ፡ ሰበብ ወመሻክል ለሀላ ዕላቃት እግል ንፍህም ለሰዴናት።

እግል መሳልሕ እስትራተጂ ድቁባት ድወል እንዴ ትበህሉ፡ ሐቕ ሽዑብ ኤራትሪያ ወብዕድ ገባይል ነኣይሸ እግል ልትከደድ ለኣንበተ ኢራትዕ፡ መካይድ እትሊ ኣዘ ለህሌናህ ወክድ ዲብ ኣዩ ደረጀት ባጽሕ ህለ ምን እንርኢ፡ ለእብ ሰዎልፍ፡ መሳልሕ ስትራተጂ ገባይል ዓለምን፡ እግል ሰላም ወመሰኩብት ኣውሰውየት እንዴ ሀበት እግል ትሸቁ ለወጀብ ለዐለ መዝመት መጅልስ ቅራን፡ ሓድረት ሓለት ዓለምን እብላ ትፈናተ ኣሸክል ምን ኣዩ ወኣሰክ ኣዩ ከም ኣተጀህት ለለርኢ ቲ። ሓለት ሓድረት ዓለም እብላ ትፈናተ ኣሸክል እግል ትትርኢ ልትቀደር። ለናይ ኣማን ሱረት ምሰል መብዳእ ወለ ህለ ኣዎይን እግል ለኣተፍህም፡ ማርቲን ሉተር ኪንግ ፍንጌ ኣሰባብ ለሀላ ዕላቃት እብ ከሰሰ ለቤለዩ ከሊማት ትፈቅድ። ሉተር “ኢረኩብ ዐድል ዲብ ለገብኣት

ኣካን ወፈርህት ዐድል ዲብ ኩሉ ” ብህል ዐለ። እሊ ህዩ ሓድረት ሓለት ወመሻክል ዓለምን እብ ዎጅብ ለትሸርሕ ቲ። እሊ ዘዐት እሊ ዲብ ዘበን ሐረከት ሕቁቅ መደኒ ኣሚርከ ለትበህለት ቲ። ምናተ ምን ናይ መርሐለት ተሐዲ ወኪን እሊ ኣዘ ለሀላ መራሕል ወተዋልል ለትሸርሕ ልክክት ቡ። ሉተር ዲብ ለገብኣ ክፋል ዓለም ለትጀሬ ዝልም ወኢረኩብ ዐድል፡ ለዲብ ክሉ እግል ልትመደድ ለልትሐዘ ዐድል ፈርህት ቲ። ዲብ ልብል ሸርሐ ዲብ ህለ፡ እድንያይ ጠባይዕ ቃትን ወሕቁቅ እግል ልሸራሕ እንዴ ቤላ ቲ። መናበረት ወድ ኣዳም እት ሕድ ለቀርቡት ቲ። ዲብ ኣርት ነፈር ተኣሰር

ለበ ቀድየት ሸንርብ እት ክሉ እብ ወለት ገበይ ከም ትትርኢ ቲ ሉተር ለሸርሐ። እሊ ምብላሰ እሊ ዲብ ሽዑብ ኤራትሪያ ለጀረ ዝልም እግል ልርታዕ ለትደፍዕ ዐውል፡ ምሰለ ዓለምን እትሊ ወክድ እሊ ዐውል እግል ትድፋዕ ቅሰብት እቲ ለህሌት ቴለል፡ ዕላቀት ለበ ክምተ ለተኣርኢት።

እብ መጅብላ ሉተር ለሸርሐዩ ኢዳላት ቀድየት ኤራትሪያ ነቃሰ ፍርድ ወመፍህም ኢዐለ እት። ምናተ ለትዝመ ናይ ሕበር ዎይዲባት ዋልም እድንያይ መጅተማዕ ዐለ። ዲብ ሰነት 1952 መዝመት መጅልስ ቅራን፡ ለወዴቲ ከለዎ ግምሽ ለልትሐለፍ ኢኮን። ሐቕ ተቅሪር መሲር ሽዑብ ኤራትሪያ እብ ናይ ስትራተጂየት ወኣምን ምሰምሰ ቤዘ ጂኦ-ሲያሰት ሐርብ ብሩድ እግል ሊደዩ ሐረ። ለመዝመት እብ ቀራር 390 A(V) እንዴ ወዴት፡ እግል ኤራትሪያ ምሰል ኣቶብዩ እብ ፈደሬሽን እግል ትቅረን ወመሰተቅል ናይ ሐቲ ደውለት ኣፍሪቅዩ እግል ልትደምር ትበገሰት። እሊ ብሰር እሊ ከም ሰም ዲብ ኣሰራር



ንጉሰ ህይለስላሴ ከይነት እት ለሐብክ

እድንያይ ቃትን ነሸሐቲ። እንዴ ተለ ለመጽኢ መትሐንፋጭ ፈደሬሽን ዐሚም ወእስትዕማር መ ለመዝመት ኣምሸት ምን። “ኣቶብዩ ናይ ስትራተጂየት መሰንገትና ቲ።” ለልብል ሸሩዎ ዐገል ካርጅየት ኣሚርከ ህዩ ኣግደ ኣጃንደተ ዐለ።

እሊ ህዩ ኣሰክ መደት ሕርየት ኤራትሪያ ሌጠ እንዴ ኢገብኢ፡ ሐቕ ሕርየት፡ ዲብ ኤራትሪያ ለገብኣ ከርዶን ወሰታት ኣቶብዩ ለትህየበ በክት፡ እግሉ ለከድም ዐገል ቲ። ለተህየበ ቀራር ፈደሬሽን ኣርት ምን ኣሰባብ ናይ እሊ ዮም ዲብ ታኣሪክ ዋወር ናይ ዓለምን ሱዳፍ ለሀላ መሻክል፡ መትሸንካይ እድንያይ ዐድል ምን ልትበህልመ ኣትራዛቅ ኣኮን። ምን ካልኣይ ሐርብ ዓለም ለትረከበ ትጃርብ መሪር ምን ለልትበገሰ፡ ሐቕ ተቅሪር መሲር ገባይል ወሕሸመት ሚዛን እንዴ ሀበት፡ ገለድ ለበይኣት ዓለም፡ ኣሰረ ኢዘፈ ለናይ ሽዑብ ኤራትሪያ ሐቕ እብ መሳልሕ ስትራተጂ እንዴ ኣመሰመሰት እግል ቲኪዱ ሐሬት። እሊ ህዩ መኣንበት ናይ እሊ ዮም ልትርኢ ለሀላ ህገጋይ ዐለ። ሽዑብ ኤራትሪያ ህዩ ለጀረ ናይ ታኣሪክ ወቃትን ከለዎ እግል ልትሲድሕ

Ethiopia and Eritrea

The Abrogation of the Federal Act

"The past must be put in proper perspective. There are wounds to be healed, and there are truths to be told and accepted."

Major Dawit W. Giorgis, former Eritrean Governor and Foreign Affairs official, is a UN consultant, scholar, and author specializing in African geopolitics, conflict, and security.

ወሐቁ እግል ልርኩብ ዐውል ቃሊ ደፍዐ። ዲብ ደንገበ ህዩ ለዳቅባት ዓለምን እግል መሳልሕን ኢኣርተዕያህ፡ ታክያት ዐድል እብ እሳት እንዴ ሰዌተ ባንዲራተ ሰቅለት እት። ሽዑብ ኤራትሪያ እት መሸንገሉ ራፍዑ ለዐለ ናይ 30 ሰነት ጸር ግድለ ሰላሕ፡ ክርንቲ እብ ቀሰብ ኣሰምዑ። ዓለም እግል ትሰምዐ ተሐዘ ለኢዐለት ክርን ሽዑብ ኤራትሪያ ሐቕ ሰደቲ፡ እብ ጎማት ድወል ዳቅባት ለትሰምዐት ክም ኢኮን ለትሓኪ ክርን። እሊ ልክክት እሊ ህዩ ምን ሕርየት ኤራትሪያ ወኪን፡ እሊ ዮም ዓለምን ትርእዩ ለህሌት እድንያይ ንዛም ወመዋዲት መሻክል ናይላ መዝመት መጅልስ ቅራን ትትበገሰ ዲብ ህሌት ለትተብዐቲ ኢራትዕ መካይድ ክምቲ ለኣከደት ልክክት፡ ዲብ 50ታት ምን ሐቕ ሽዑብ ኤራትሪያ ለኣምሸሽ ብሰር እዳረት ዓለም፡ ዮም በክት ክሉ ድወል እንዴ ገብኣ ዲብ ክሉ ድዋራት ዲብ ልትሸቁ እቡ እንርእዩ ህሌ። ለድብዳብ ሐቕ ወዐድል ሽዑብ ኤራትሪያ እቲ ለፈረመት መዝመት መጅልስ ቅራን፡ ዮም እብ ድቁባት ወሰብ ሐለት ዲብ ትትቀብብ ወትትኣቤ እንርእዩ ህሌ። እሊ ህዩ ከምለ ማርቲን ሉተር ኪንግ ለቤለዩ፡ ዲብ ሐቲ ኣካን ለትጀሬ ዝልም ዲብ ክሉ ፈርህት ክምተ ለለርኢቲ።

ኣለቡ። ሰበቡ ህዩ ዐድል ከም ብዳዐት እንዴ ኢገብኢ፡ ኣሳስ ሀለዮት ሰላም ዓለም ቲ። ላመ ድቁባም ልትበህሉ እሊ ሀለዮት እሊ እንዴ ሐለዮም ዲብ ዐሎባዎ ከሩዮም ሀለው። ዲብ ወርሕ ዲሰምበር 1952 እብ ብሰር ዲብ ኣቶብዩ እግል ትትቀረን ለሐልፈ ቀራር ዝልም፡ 390 A (V)፡ እብ ሕጌ መሳልሕ ስትራተጂ፡ ደማነት ኣምን እግል ትትኣከድ ወሰላም እግል ትትመደድ ቃትናይ ለመሰል ናይ ኢመሰኩብት ሻይረሰ ዐለ። እሊ ህዩ ለኢተነው እግል ናይ ወራር ወኣሰሐባብ መዋዲቶም እግል ለኣምሰምሶ ለትከተበ ቃትን ራትዕ ምን እግል ለኣምሸሽ ገበይ ሀለዮም።

እት ምግባይ ምፍጋር ጽሓይ ሱዳፍ ለሀላ መሻክል መዝመት መጅልስ ቅራን ናይ ኖሰ ቀዋሂን እግል ትሰርግል ሰበት ኢቀድረት ለመጽኢ ታኣሪክ ኤራትሪያ ለለኣትፋቀድ መሻክል ቲ። እሊ ኣዘ እንርእዩ ለህሌን መሰኩብት ለሐግላ እድንያይ ክጠጥ ማይ ዲብ በሐር ቀየሕ፡ ምሒዎ ህንድ ወብዕድ ምህም እድንያይ ክጠጥ ማይ፡ ፍገራት ናይላ መደት ኣርት ክፈል ዘበን ለኣተላለ ሕኔት ብን ወመሰኩብት ለትመደደ እተን ድወል ኣወለውየት ተህይብ ኣሰሰት መራክክ ዐስከርየት ወኣምን ለኣምጽኣዩ ቲ። ሸራከት ወንዛም እዳረት ሕበር ግዋሪ በሐር፡ መብዳእ ኤራትሪያ ወብዕድ ናይ መንጠቀት ወሰብ ሸርከት ለለኣሰምዑ ሰበት ቲ። እብ ቀሊል ለኣልትሳሬ ንቁሰ ኣምን ካልቅ ህለ።

እትሊ ወክድ እሊ ዓለምን ምን እብ ኣሚርከ ለልትመራሕ ለዐለ ንዛም እዳረት ዐሚም ዲብ ብዕድ ኣግቡይ እዳረት ሕበር ትገይሰ ክም ህሌት ለለሐሐብር ኣዎይንም ልትርኢ ህለ። እትላ መርሐለት መደይት ለተኣሰፍ ወደማር ለትሰብብ ዛህረት ትትርኢ ምንም ህሌት፡ ለመሻክል እግል ልትሐለፍ ለቡ ናይ መደት ተቅዩር ቲ። እሊ ህዩ ክለን ድወል እብ ዓመት ለዲብ እንክር ግብላታይ ክፋል ግሎብ ለህለዩ እብ ፍንቲት ለለኣደርሰ ቲ። ሰበቡ ህዩ ሰብ ምግብ ዐድል ለልትበህለ ድወል ለዐድል ከም ልትደብደብ ወልትሰተር ወደዩ ለህለዩ ህተን ሰበት ቲን።

ኣዳሰ ኤርትራ 28 ኣብራል 2026 - 35 ሰነት ዐልብ.205

